

摘藻堂四庫全書薈要

子部

欽定四庫全書薈要

子部

御定小學集註卷

二

臣

王杰詳校

詳校官主事臣陳本



欽定四庫全書薈要

御製小學集註序

古者八歲而入小學教之以灑掃應對進退之節愛親
敬長之義俾童而習之以養其德性其說散見經傳朱
子採集為小學一書所以示人教學之方而有以為正
心修身之本其言約其理該蓋六經四子性理諸書之
階梯也

皇考聖祖仁皇帝嘗

特頒諭旨令有司兼以命題課士海內士子固已咸知誦法矣又

命尚書顧八代一人翻譯清文日進呈

覽

欽定三年而後成嘉惠後學之心至深且厚當日未經刊刻頒行朕敬承

皇考遺志特命校對授梓以資肄習讀者宜知綱常倫紀之當崇視聽言動之當謹與夫嘉言懿行之當遵循慕

效修其職自在家庭日用之常經而充其量可以成聖
賢忠孝之大節子弟之習於是而淳教化之原於是而
備詩曰成人有德小子有造朕蓋深有望焉

雍正五年十二月初三日

欽定四庫全書

御製序

欽定四庫全書薈要

御定小學集註目錄

卷一

內篇

立教第一

卷二

內篇

明倫第二

卷三

內篇

敬身第三

卷四

內篇

稽古第四

卷五

外篇

嘉言第五

卷六

外篇

善行第六

臣等謹案

御定小學集註六卷雍正五年

世宗憲皇帝詔廷臣因明臣陳選集註而訂正刊行

之者冠以

御製序文發明綱常倫紀之當崇視聽言動之當謹
與嘉言懿行之當遵循慕效蓋儒者為學之
始基實備於此朱子作小學內外篇以迪蒙
幼皆雜取經傳中論幼儀者分類條繫而以
史事廣之宋儒所謂養正之功立教之本諒
非溢美選為此註隨文衍義務取明白曉暢
俾鄉塾童蒙皆可省覽而得其意義實為有
功初訓選字士賢臨海人天順庚辰進士官

至廣東布政使追贈光祿寺卿謚恭愍其為
御史時救羅倫劾倪謙錢溥馬昂汪直風采
可觀及官廣東又以爭市舶忤宦官卒至逮
死其立身本末足以不愧所學而此注復得
大聖人表章家絃戶誦其食報亦榮且厚矣乾隆四
十三年二月恭校上

總纂官

臣紀昀臣陸錫熊臣孫士毅

總校官
臣陸費墀

小學原序

古者小學教人以灑掃應對進退之節愛親敬長隆師

親友之道皆所以為修身齊家治國平天下之本

灑去聲掃

去聲長上聲治平聲後不圈者皆去聲○古者夏商周也小學鄉學也人指八歲以至十四歲之子弟也灑謂灑水以斂塵掃謂掃地以去塵應謂應尊長之呼對謂對尊長之問節禮節也親父母也隆尊也親近也道者當然之理修齊治平大學之事也古人由小學以收心養性基本已立至大學特收其成功耳而必使

其講而習之於幼稚之時欲其習與智長化與心成而

無扞格不勝之患也

稊音治長上聲扞音汗格胡得切勝音升○講以明其理習以熟其

事稱亦幼也扞格猶牴牾也不勝不能勝當其教也幼
穉之子心知未有所主及時而教之使習於善而與智
俱長化於善而與心俱成故無扞格不勝之患而大
學之教亦易入矣此兩節言古者小學教人之意

今

其全書雖不可見而雜出於傳記者亦多讀者往往直

以古今異宜而莫之行殊不知其無古今之異者固未

始不可行也

傳去聲○今朱子自謂宋時也古者小學之全書不可見者以秦火焚之也傳記謂

禮記管子諸書直猶但也殊猶絕也古今異宜謂宜於古而不宜於今也無古今之異謂古法亦有宜於今也

今頗蒐輯以為此書授之童蒙資其講習庶幾有補於

風化之萬一云爾

蒐音搜輯音集幾平聲○蒐輯者索古法之宜於今者而纂輯之也授付

也童蒙童幼而蒙昧也資助庶幾近辭風化詩序曰上以風化下是也萬一萬分之一也云爾語辭朱子此書續古者小學之教以為大學基本有補於國家之風化大矣曰庶幾曰萬一皆謙辭耳吳氏曰朱子之於世教豈惟有補於當時實則有功於萬世也此兩節言繼絕學輯小學之意

淳熙丁未三月朔

旦晦菴題

淳熙丁未宋孝宗十四年也晦菴朱子草堂之名因以為號

小學原序

小學題辭

饒氏曰小學者小子之學也
題辭者標題書首之辭也

○元亨利貞天道之常仁義禮智人性之綱

元者生物之始亨者

生物之通利者生物之遂貞者生物之成四者謂之天道天理自然之本體也亘萬世而不易故曰常仁者溫和慈愛之理義者斷制裁割之理禮者恭敬搏節之理智者分別是非之理四者謂之人性人人所稟之天理也統萬善而不遺故曰綱猶網之綱下文所謂四端四行則其目之大者也○元於時為春於人為仁亨於時為夏於人為禮利於時為秋於人為義貞於時為冬於人為智○此一節言天道流行賦於人而為性也○

凡此厥初無有不善藹然四端隨感而見

見音現○饒氏曰此者指

上文仁義禮智之性也厥語辭初謂本然也藹然衆盛貌端緒也孟子曰惻隱之心仁之端也羞惡之心義之端也辭讓之心禮之端也是非之心智之端也此言仁義禮智之性其本然無有不善是以惻隱羞惡辭讓是非四者之善端藹藹然隨其物之所感動而形見也○此一節言性發而為情也○愛親敬兄

忠君弟長是曰秉彝有順無彊

長上聲彝音夷彊上聲○饒氏曰忠者盡已之

心也弟順是此秉執彝常也順者因其自然彊者抑之使然此言愛親敬兄忠君弟長四者人之善行根於秉執之常性因其自然而非抑之使然也○此一節言性之見於行也○惟聖性者浩浩其

天不加毫末萬善足焉

惟語辭天即理也毫末一毫之末也萬善如四端四行是也此

言聖人性全於天無所污壞其本然之理浩浩然廣大不待增加毫末人為而萬善自足無少欠缺也○此一

節言聖人之盡其性也

○衆人蚩蚩物欲交蔽乃頽其綱安此暴

棄

蚩音咎頽徒回切○饒氏曰蚩蚩無知之貌物欲謂凡聲色臭味之欲也暴害也此言衆人氣稟昏愚而

無知物欲交互而遮蔽是以頽墜其仁義禮智之綱而安於自暴自棄也○此一節言衆人之汨其性也○

惟聖斯惻建學立師以培其根以達其支

惻音測培音裴支與枝同

○斯語辭建亦立也此言聖人見衆人安於暴棄於是惻然傷憫而建學立師以教之小學之教所以收其放心養其德性如培植木之根本也大學之教所以開發聰明進德修業如發達木之支條也○此一節言聖人興學設教之意○小學之方灑掃應對入孝出恭動罔或悖行

有餘力誦詩讀書詠歌舞蹈思罔或逾

悖音佩蹈音稻逾音俞○方法

也罔無也手曰舞足曰蹈饒氏曰此言小學之方必使學者謹夫灑掃應對之節入則愛其親出則敬其長凡所動作無或悖戾乎此也行此數者而有餘力則誦詩讀書或詠歌以習樂之聲或舞蹈以習樂之容凡所思慮無或逾越乎此也○此一節

○窮理修身斯學之大

明命赫然罔有內外德崇業廣乃復其初昔非不足今

豈有餘

復音伏○饒氏曰斯此也明命即天之所賦於人而人之所得以為性者也赫然明盛貌德者

道之得於內者也業者功之成於外者也復還也初謂本然也此言格物致知以窮究其理誠意正心以修治其身此乃大學之道也然天之明命赫然昭著無有內外之間學者誠能從事於大學使物格知至意誠心正身修而德之積於內者極乎崇高由是推之使家齊國治天下平而業之施於外者極乎廣博則有以復其性

之本然矣。昔日之安於暴棄也，此性固非不足。今日之德崇業廣也，此性亦非有餘。但昔為氣稟物欲之所蔽，今則復其本然耳。○此一節言大學之教所以達其支也。○世遠人亡，經殘教弛，蒙

養弗端，長益浮靡，鄉無善俗，世乏良材，利欲紛拏，異言

喧騰

弛音始靡音米拏汝加切。○應氏曰：端正也。乏無也。利欲猶言物欲也。拏牽引也。應相擊也。

此言前世既遠，聖人既沒，六經殘缺而教法亦廢弛矣。小學之教廢，故學者自童蒙之時而養之，不以其正大學之教廢，故及其年長則所習日益輕浮。華靡是以鄉無淳厚之習，俗世無粹美之人材，但見利欲之習紛然而相牽引，異端之言喧然而相攻擊。○幸茲秉彝極天也。○此一節言後世教學不明之害。

罔隊爰輯舊聞，庶覺來裔嗟嗟。小子敬受此書，匪我言

耄惟聖之謨

輯音集喬以制切耄音冒○極終也極天

子自稱也饒氏曰爰於也喬衣襟之未來喬謂後學也嗟嗟歎辭耄老而昏也此言後世教學不明雖如上文所云然所幸者人之秉彝極天罔墜我於是纂輯舊所聞者以為小學之書庶幾可以覺悟後來之學者爾初學之小子宜敬受此書而學之此非我耄之妄言是乃前聖之謨訓也○此一節言輯小學開後學之意

小學題辭

欽定四庫全書薈要卷一萬三百三十五子部

御定小學集註卷一

內篇

許文正公曰小學之書吾信之如神明敬之如父母
夏氏曰上卷為內篇下卷為外篇許文正公曰內篇
者小學之本源外篇者小學之支流○內篇有四立
教明倫敬身皆述虞夏商周聖賢之言乃小學之綱
也稽古撫虞夏商周聖賢之行所以實立教明倫敬
身也外篇有二嘉言述漢以來賢人之言所以廣立
教明倫敬身也善行紀漢以來賢人之行亦所以實
立教明倫敬身也

立教第一

此篇述古聖人所以立極教人之法其
大目不出乎立明倫之教立敬身之教

而已篇首胎教一章則
教之本源也凡十三章

○子思子曰天命之謂性率性之謂道修道之謂教

子思

孔子之孫名伋子思其字也子者後學宗師先儒之
稱朱子曰命猶令也性即理也天以陰陽五行化生
萬物氣以成形而理亦賦焉猶命令也於是人物之
生因各得其所賦之理以為健順五常之德所謂性
也率循也道猶路也人物各循其性之自然則其日
用事物之間莫不各有當行之路是則所謂道也修
品節之也性道雖同而氣稟或異故不能無過不及
之差聖人因人物之所當行者而品節之以為法於
天下則謂之教若禮
樂刑政之屬是也則天明遵聖法述此篇俾為師

者知所以教而弟子知所以學

則法也天之明命即
天命之性也遵循也

聖人之法即修道之教也俾使也此篇所述皆道之當然原於天而立於聖人者也師之所以教弟子之所以學無有切於此者矣

列女傳曰古者婦人妊子寢不側坐不邊立不蹕

傳去聲妊

音壬○饒氏曰蹕當作跛音阮○列女猶言諸女漢劉向采其事以為傳妊娠也寢卧也側謂側其身邊謂偏

其身跛任一足也古人席地而坐如今人之跪至漢猶然

不正不坐

邪味不正之味割謂切肉席謂坐席目不視邪色耳不聽淫聲

夜則令瞽誦詩道正事

邪色不正之色淫聲不正之聲則即也令使也瞽無目者詩謂

二南之詩道言也正事事之合禮者令瞽誦詩以其精於聲也如此則生子形容端正

御定小學集註

才過人矣

如此二字總結上文寢食立坐視聽言動一出於正然後生子形容端正而才能過於常

人矣蓋妙合而凝之時正形生神發之初感於正則善感於邪則惡自然之理也

○內則曰凡

生子擇於諸母與可者必求其寬裕慈惠溫良恭敬慎

而寡言者使為子師

內則禮記篇名言閨門之內禮儀可則也諸母衆妾也可者謂雖非

衆妾而可為子師者寬容而安裕慈愛而惠順溫和而易良恭莊而敬畏謹慎而寡言婦德之純也故使之為子師以教子焉司馬溫公曰乳母不良非惟敗亂家法兼令所飼之子性行亦類之子能食食教

以右手能言男唯女俞男鞶革女鞶絲

上食音石下食音似唯音委鞶

音盤○食飯也以用也男女皆用右手取其強而已唯應之速俞應之緩剛柔之義也鞶帶也革皮也絲帛也

男用皮女用帛亦剛柔之義也六年教之數與方名年即歲也數謂一十百千萬方名謂

東西七年男女不同席不共食不同席而坐不共器而食教之有別也八

年出入門戶及即席飲食必後長者始教之讓八年小學之

時也耦曰門奇曰戶即就也後長者在長者之後也讓

謙遜也出入門戶後長者行之讓也即席後長者坐之讓也飲食後長者食之讓也九年教之數日數上聲○日謂朔望六甲以上兼男女言也

十年出就外傳居宿於外學書計衣不帛襦袴禮帥初

朝夕學幼儀請肄簡諒傳音付襦音儒帥音率儀音宜肄音異○此言男子矣十年曰

幼外傳教學之師也居宿日居夜宿也學猶習也書字體計算法即六書九數也襦上衣袴下衣不用帛而用

布防奢靡也禮帥初禮節皆帥循初時之所教也幼儀幼事長之禮儀也簡書篇諒信實皆請於外傳而肆習

之十有三年學樂誦詩舞勺成童舞象學射御

有音又勺音酌

○樂六樂詩樂章學之誦之所以養性情也勺美武王之詩象美文王之詩舞勺者歌勺為節而舞也舞象者歌象為節而舞也成童十五以上也射五射御五御程子曰射中鵠舞中節御中度皆誠也古人教人以射御象勺所養之意如此二十而冠始學禮可以衣裘帛舞大夏惇行

孝弟博學不教內而不出

冠音貫○二十曰弱冠加冠也始初也禮五禮衣著也裘

皮服冠者成人之道故學五禮冠而後服備故衣裘帛大夏禹樂樂之文武兼備者也惇篤也博學於文而不教人恐未精也內畜其德而不暴於外切於為已也熊氏曰八年教遜讓十年學幼儀則已知孝弟之

道矣至此益
加以篤行也

三十而有室始理男事博學無方孫友視

志

孫音遜○三十曰壯陳氏曰室猶妻也男事受田給役也方猶常也遜友順事朋友也視志視其志意所

尚也○博學無常惟善是取

四十始仕方物出謀發慮道

合則服從不可則去

四十曰強方猶對也物猶事也謀謂論理慮謂思慮服謂任事從謂

從君○朱子曰方物謀慮只是隨事謀慮

五十命為大夫服官政七十致事

五十曰艾七十曰老服猶任也上言仕治一官之小事也此言服官政統一官之大政也致事則致還其職事

於君

女子十年不出姆教婉婉聽從執麻桌治絲繭織

紵組紃學女事以共衣服觀於祭祀納酒漿籩豆菹醢

禮相助奠

姆音茂 臬音洗 絰音壬 組音祖 紃音巡 共音

供

籩

音

邊

菹

臻

魚

切

醢

音

海

○

十年

不出

謂

十歲則不出閨門姆女師也婉謂言語柔順婉謂容貌

柔順聽謂有所受從謂無所違此皆教以女德也臬麻

之有子者執麻臬績事也治絲繭蠶事也紃布帛之屬

組亦織也紃似縹古人以置諸冠服縫中者此皆教之

學女事以供衣服也祭祀饗先祖也納進也漿醋水也

竹曰籩木曰豆醢菜曰菹肉醬曰醢奠薦也禮相助奠

謂以禮相長者而助其奠

此皆教以祭祀之禮也

十有五年而笄二十而嫁有

故二十三而嫁

上有音又笄音鷄○笄簪也婦人不冠以簪固髻而已故謂父母之喪

聘

則為妻奔則為妾

聘問也奔趨也謂不待聘而從之

○曲禮曰幼子常

視毋誑立必正方不傾聽

視示同母音無誑古況切○曲禮禮記篇名言禮之節目

委曲也示猶教也母不可也誑欺誑也正方謂正向一方傾聽謂側耳以聽常視毋誑教之以誠也立必正方不傾聽教之以敬也○學記曰古之教者家有塾黨有庠術有序

國有學

塾音孰庠音詳衍陳氏曰當作州○學記禮記篇名古者二十五家為閭同在一巷閭巷之學

曰塾五百家為黨黨之學曰庠二千五百家為州州之學曰序國謂天子及諸侯之都也國之學曰學家塾小學也黨庠州序國學大學也人主八歲入○孟子曰人小學十五入大學皆教之以人倫而已

之有道也飽食煖衣逸居而無教則近於禽獸聖人有

憂之使契為司徒教以人倫父子有親君臣有義夫婦

有別長幼有序朋友有信

契音薛別必列切○孟子名軻字子輿聖人謂堯也契人

名司徒官名倫序也同門曰朋同志曰友別謂各有配
偶而不相亂也朱子曰人之有道言其皆有秉彝之性
也然無教則亦放逸怠惰而失之故聖人設
官而教之以人倫亦因其固有者而道之耳

○舜命契

曰百姓不親五品不遜汝作司徒敬敷五教在寬

舜虞
帝名

契舜臣名即上章堯所命者五品父子君臣夫婦長幼
朋友五者之倫也敬謂敬其事敷布也五教父子教之
以親君臣教之以義夫婦教之以別長幼教之以序朋
友教之以信也百姓不相親愛由於五品不相遜順故
舜申命契仍為司徒敬以敷五教而寬以
待之朱子曰寬只是不急迫慢慢地養他

命夔曰命汝

典樂教胄子直而溫寬而栗剛而無虐簡而無傲詩言

志歌永言聲依永律和聲八音克諧無相奪倫神人以

和

音宙諧音鞋○變亦舜臣名典主也胄長也自天子至卿大夫之適子也栗莊敬也永長也聲五聲宮

商角徵羽也律十二律黃鐘太簇姑洗蕤賓夷則無射陽律也大呂夾鐘仲呂林鐘南呂應鐘陰律也八音金石絲竹匏土革木也蔡氏曰凡人直者必不足於溫故欲其溫寬者必不足於栗故欲其栗所以慮其偏而輔翼之也剛者必至於虐故欲其毋虐簡者必至於傲故欲其毋傲所以防其過而戒禁之也教胄子者欲其如此而之所以教之之具則又專在於樂蓋樂可以養人中和之德而救其氣質之偏也心之所之謂之志心有

所之必形於言故曰詩言志既形於言必有長短之節故曰歌永言既有長短則必有高下清濁之殊故曰聲依永既有長短清濁則又必以十二律和之乃能成文而不亂所謂律和聲也人聲既和乃以其聲被之八音而為樂則無不諧協而不相侵亂失其倫次而可以奏之朝廷薦之郊廟神人以和矣聖人作樂以養性情育

人材事神祇和上下其體用功效廣大
深切乃如此今皆不復見矣可勝嘆哉

○周禮大司徒

以鄉三物教萬民而賓興之

周禮周公致太平之書也大司徒教官之長也萬二

千五百家為鄉物猶事也興猶舉也謂以鄉三事教成
萬民鄉大夫論其賢者能者以鄉飲酒禮尊之為賓而
獻其書一曰六德知仁聖義忠和知音智○德者理之
於王也

理為智事理通明為聖仁者心之德愛之理義者
心之制事之宜盡已之心為忠無乖戾為和

二曰

六行孝友睦婣任恤

行去聲睦音目任去聲○行者理
之見於行者也孝謂善事父母友

謂善於兄弟睦謂親於九族婣謂親於
外親任謂信於朋友恤謂賑於憂貧

三曰六藝禮樂

射御書數

藝者理之寓於事者也禮有五曰吉凶軍賓
嘉樂有六曰雲門咸池大韶大夏大護大武

射有五曰白矢參連剡注襄尺并儀御有五曰鳴和鸞
逐水曲過君表舞交衢逐禽左書有六曰象形會意轉
注指事假借諧聲數有九曰方田粟米衰分少廣商功
均輸盈朒方程勾股禮以制中樂以道和射以觀德行
御以正馳驅書以見心畫數以盡物變皆至理所寓而
日用不可缺者也真氏曰三物之教先以德行而次以
六藝者即孔子行有餘力則以學文之意以鄉八刑糾萬民一曰不孝之刑

二曰不睦之刑三曰不嫺之刑四曰不弟之刑五曰不
任之刑六曰不恤之刑七曰造言之刑八曰亂民之刑

糾音九弟去聲造音皂○糾謂察而正之造言造為妖
妄之言也亂民挾邪道以惑民也或問八刑無不友之
刑何也朱子曰不須如此看但
看古人教法如何而今無矣

○王制曰樂正崇四術

立四教順先王詩書禮樂以造士春秋教以禮樂冬夏

教以詩書

造音皂○王制禮記篇名樂正掌教之官崇尚也四術詩書禮樂四教春夏秋冬順依也

造成也陳氏曰古人之教雖曰四時各有所習其實亦未必截然棄彼而習此恐亦互言耳非春秋不可教詩書冬夏不可教禮樂也

○弟子職曰先生施教弟子是則溫恭自

虛所受是極

弟子職管子篇名管仲所著者先生師也稱師曰先生者以先已而生也自稱曰弟

子者尊師如父兄也則效溫和恭遜也自虛心不自滿也朱子曰所受是極謂受業須窮究道理到盡處也

見善從之聞義則服溫柔孝弟毋驕恃力

母音無○服猶行也柔巽

順也孝謂善事父母弟謂善事兄長驕則侮人恃力則陵人非汎愛衆矣

志毋虛邪行必正

直游居有常必就有德

行去聲○心之所之謂之志身之所行謂之行虛謂虛偽常謂

常所就有德親仁也

顏色整齊中心必式夙興夜寐衣帶必飭

音飭

敷○式敬夙早飭整也顏色整齊敬見乎外也中心必式敬存乎中也夙興夜寐勤以簡身也衣帶必飭謹以

簡身也此三節

言力行之事

朝益暮習小心翼翼一此不懈是謂學

則

懈音戒○益增也翼翼敬也朝益暮習勤以務學也則小心翼翼敬以務學也此言學文之事懈怠也則法

也通結上文吳氏曰言為弟子者當專一從事於此而不怠是謂為學之法矣

○孔子曰弟子

入則孝出則弟謹而信汎愛衆而親仁行有餘力則以

學文

孔子名丘字仲尼朱子曰謹者行之有常也信者言之有實也汎廣也衆謂衆人親近也仁謂仁者

餘力猶言暇日以用也文謂詩書六藝之文程子曰為弟子之職力有餘則學文不修其職而先文非為已之

學也

○興於詩

此章之首當有孔子曰三字而略之者蒙上章也他皆放此朱子曰興起也詩本人

情有邪有正其為言既易知而吟咏之間抑揚反覆其感人又易入故學者之初所以興起其好善惡惡之心而不能自己者必立於禮而有節文度數之詳可以固

立於禮

朱子曰禮以恭敬辭遜為本

人肌膚之會筋骸之束故學者之中所以能卓然自立而不為事物之所搖奪者必於此而得之

成於

樂

朱子曰樂有五聲十二律更唱迭和以為歌舞八音之節可以養人之情性而蕩滌其邪穢消融其渣滓

故學者之終所以至於義精仁熟而自和順於道德者必於此而得之是學之成也又曰按內則十歲學幼儀十三學樂誦詩二十而後學禮則此三者非小學傳受之次乃大學終身所得之難易先後淺深也○樂

記曰禮樂不可斯須去身

樂記禮記篇名斯須一離一合之頃也去離也禮樂治身

之本故不可斯須離之

○子夏曰賢賢易色事父母能竭其力事

君能致其身與朋友交言而有信雖曰未學吾必謂之

學矣

易音亦○子夏孔子弟子姓卜名商朱子曰賢人之賢而易其好色之心好善有誠也致猶委也委

致其身謂不有其身也四者皆人倫之大者而行之必盡其誠學求如是而已故子夏言有能如是之人苟非生質之美必其務學之至雖或以為未嘗為學我必謂之已學也按立教明倫敬身三者小學之綱也父子君臣夫婦長幼朋友心術威儀衣服飲食九者小學之目也而立教則教此而已或乃外是立說誤矣

御定小學集註卷一

欽定四庫全書薈要卷一萬三百三十六子部

御定小學集註卷二

內篇

明倫第二

明明之也倫人倫也其目有五明父子之親明君臣之義明夫婦之別明長幼

之序明朋友之交凡百七章

○孟子曰設為庠序學校以教之皆所以明人倫也

立設

也庠以養老為義序以習射為義校以教民為義皆鄉學也學國學也夏曰校殷曰序周曰庠學則三代共稽聖經訂賢傳述此篇以訓蒙士

訂丁正切傳去聲○稽考也訂

評議聖人之書曰
經賢人之書曰傳

內則曰子事父母鷄初鳴咸盥漱櫛縱笄總拂髦冠綏

纓端鞞紳搢笏左右佩用偁屨著綦

盥音管漱音嗽櫛則瑟切縱音洒笄

音鷄髦音毛綏如追切鞞音畢搢音晉偁音逼屨音句
著音酌綦音忌○咸皆也盥洗手也漱漱口也櫛梳也
縱輶髮作髻者黑綰為之笄簪也總束髮飾髻者練綰
為之拂髦謂拂去髦上之塵綏者纓之餘纓者冠之系
端元端服也鞞蔽膝也搢插也插笏於大帶所以記事
也左右佩用謂身之兩旁佩帨巾小刀之類以備用也
偁邪幅也纏足至膝者屨鞋也著猶結也綦鞋口帶也
在首則櫛髮加縱加笄加總拂髦著冠結纓垂綏在身
則服元端著鞞加紳搢笏佩用在足則縛偁納屨著綦
各以次第施之司馬溫公曰孫事祖母同劉氏曰髦

謂子生三月則剪其胎髮為鬻帶之于首男左女右逮其冠笄也則采飾之加于冠不忘父母生育之恩也父母喪則婦事舅姑如事父母鷄初鳴咸盥漱櫛緹笄總去之

衣紳左右佩用衿纓綦屨

衿巨禁切○夫之父曰舅夫之母曰姑衣紳著衣而加紳

也佩用鍼線之類衿結也纓香囊也恐身有穢氣觸尊者故佩之司馬溫公曰孫婦同

以適父母

舅姑之所

適往也所寢室也

及所下氣怡聲問衣燠寒疾痛苛

瘠而敬抑搔之出入則或先或後而敬扶持之

燠音郁苛音荷

瘠音養抑音益搔音騷○燠熱也苛疥也低下其氣怡悅其聲問衣之燠將減之也問衣之寒將加之也疾痛則抑按苛瘠則搔爬出入則或前以扶持之或後以扶持之一出於敬也進盥少者奉槃長

者奉水請沃盥盥卒授巾

奉音捧樂音盥沃音屋○沃盥注水而盥授進也巾拭手

者問所欲而敬進之柔色以溫之父母舅姑必嘗之而

後退

溫去聲○所欲意之所欲食者陳氏曰溫承藉也謂以和柔之顏色承藉尊者之意

男女未

冠笄者鷄初鳴咸盥漱櫛縱拂髦總角衿纓皆佩容臭

昧爽而朝問何食飲矣若已食則退若未食則佐長者

視具

冠音貫朝音潮佐去聲○男未冠女未笄皆幼者總角束髮為角也臭香物也助為容飾故曰容臭

以纓佩之昧晦也爽明也謂欲明未明之時朝猶見也佐助也視具謂察視饌具寒暖之節

○凡內

外鷄初鳴咸盥漱衣服斂枕簟灑掃室堂及庭布席各

從其事

衣去聲簾徒點切○此亦內則之文而不言者蒙上章也他皆放此內外婢僕之輩斂收也枕

簾謂尊者之枕簾布設也席謂尊者之坐席各從其事若女服事于內男服事于外是矣

○父母舅

姑將坐奉席請何鄉將衽長者奉席請何趾少者執牀

與坐御者舉几斂席與簾縣衾篋枕斂簾而襦之

奉音捧鄉

音向衽音稔趾音止縣音元篋音恰襦音獨○將衽謂將設卧席趾足也牀謂安坐之牀御者謂侍奉之人衾被也篋以竹為之襦以布為之設坐席則問面向何方設卧席則問足向何方卧而起則執牀以與之坐舉几以與之憑席與簾則收斂之衾則束而縣之枕則以篋貯之簾既斂而又以襦韜之者以卧則簾在席上尤當敬也將坐奉席亦長
父母舅姑之衣衾簾席枕几不傳

杖屨祇敬之勿敢近敦牟卮匱非餽莫敢用與恒飲食

非餽莫之敢飲食

祇音支敦音對牟音謀卮音支匱音移餽音俊○傳移也衣衾簞席枕几

每日置之有常處不得輒移置他處也近謂挨逼之杖屨服飾之重者尤須恭敬不敢挨逼之也敦牟皆盛黍稷之器卮酒器匱盛水之器食餘曰餽與及也恒常也尊者所用之器非食其餘則不敢用之所常飲食之物非飲食之餘者○在父母舅姑之所有命之應唯敬對則不敢飲食之

進退周旋慎齊

唯音委齊側皆反○應唯應以連也敬對對以敬也進退周旋慎齊言一進一

退之時周回旋轉之際必謹慎齊莊也

升降出入揖遊不敢噦噫噦咳欠

伸跛倚睇視不敢唾洩

噦於決切噫音隘噦音帝咳丘蓋切跛音庇睇音第唾吐卧切

浹音替○升降以堂階言出入以門戶言揖謂進而前其身略俯如揖也遊揚也謂退而後其身微仰而揚也噦嘔逆聲噦食飽聲噦噴噦咳嗽氣乏則欠體疲則伸偏任為跛依物為倚睇視邪視也唾出於口浹出於鼻噦噦噦咳則聲不恭欠伸跛倚睇視則貌不恭唾浹則聲貌俱不恭故升降出入揖遊之頃皆不敢寒

不敢襲褻不敢搔不有敬事不敢袒裼不涉不擐褻衣

衾不見裏

襲音習搔音騷袒音但裼音昔擐音貴褻音屑見音現○亦為不恭也襲謂重衣敬事謂

習射袒裼露臂也擐褻裳也非習射則不敢露臂非涉水則不敢褰裳褻猶近也近身之衣衾其裏有穢故不

見父母唾浹不見冠帶垢和灰請漱衣裳垢和灰請澣

衣裳綻裂紉箴請補綴

見音現垢音苟漱音搜澣音緩紉尼隣切箴音針綴贅拙二音

○不見謂刷去之垢塵垢也和湯漬也手洗曰漱足洗曰澣上服曰衣下服曰裳以線貫鍼曰紃

少事

長賤事貴共帥時

帥音率○賤謂婢僕之輩共皆也帥循也時是也謂皆循是禮而行之

○曲禮曰凡為人子之禮冬溫而夏清昏定而晨省

以溫

致其暖如溫被之類清以致其涼如扇枕之類定以安其寢省以問其安

出必告反必面所

遊必有常所習必有業恒言不稱老

告啟也反還也面猶見也常猶方也

陳氏曰遊有常身不他往也習有業心不妄用也恒言平常言語也自以老稱則父母為過於老矣不稱老欲安父母之心也 ○禮記曰孝子之有深愛者必有和氣有和氣

者必有愉色有愉色者必有婉容孝子如執玉如奉盈

洞洞屬屬然如弗勝如將失之嚴威儼恪非所以事親

也

奉音捧屬音竹勝音升○此禮記祭義之篇不曰祭義而曰禮記者以其言孝非言祭也餘皆放此愉悅

之色見於面婉順之容見於身盈滿也洞洞質慤貌屬屬專一貌勝當也言敬親常如執玉奉盈恐不能當其重滿而且將覆墜也若夫嚴肅威重儼正謹恪乃以上臨下之敬耳豈事親之道哉陳氏曰和氣愉色婉容皆愛心之所發如執玉捧盈如弗勝如將失之皆敬心之所存愛敬兼至乃孝子之道○曲禮曰凡

為人子者居不主奧坐不中席行不中道立不中門

主當

也室西南隅為奧尊者所居也

食饗不為概祭祀不為尸

食音似概音蓋○食饗如

延客奉祭之類概量饌具之多少當順親意不得自限量也尸神象也父主祭而子為尸是父拜子也故不為

聽於無聲視於無形

親雖未言亦聽之恐言而不及聞也親雖未動亦視之恐動而不及

見也以上言尊親之事

不登高不臨深不苟訾不苟笑

訾音紫○苟苟且訾

毀也登高臨深危道也苟訾苟笑辱道也此言愛身之事邵氏曰為子之道既當自卑以尊其親又當自重以愛其身

○孔子曰父母在不遠遊遊必有方

朱子曰遠遊則去親遠而

為日久定省曠而音問疎不惟已之思親不置亦恐親之念我不忘也遊近遊也遊必有方如已告云之東則不敢更適西欲親必知己之所在而無憂召已則必至而無失也范氏曰子能以父母之心為心則孝矣

曲禮曰父母存不許友以死

死謂患難相死親在而以死許人是忘親矣黃氏曰

許友以死雖父母不在亦不可

○禮記曰父母在不敢有其身不敢私

其財示民有上下也

有猶專也即許友以死之謂示猶教也有上下卑當統於尊也

父

母在饋獻不及車馬示民不敢專也

自此遺彼曰饋自下奉上曰獻車馬

物之重者故不敢專之以饋獻

○內則曰子婦孝者敬者父母舅姑之

命勿逆勿怠

子而孝敬父母必愛之婦而孝敬舅姑必愛之然不可恃愛而於命或逆或怠也逆

謂不順怠謂不勤

若飲食之雖不耆必嘗而待加之衣服雖不

欲必服而待

飲去聲食音似耆音視○耆欲皆好也待謂待尊者察已不好而改命焉然後去之

加之事人代之已雖不欲姑與之而姑使之而後復之

姑且也使教也陳氏曰尊者任之以事已既為之矣或念其勞又使人代為已雖不以為勞而不欲人代然必

順尊者之意且與之若慮其為之不如己意且教之及其果不能而後已復為之黃氏曰此兩節皆明弗逆弗怠之意

○子婦無私貨無私畜無私器不敢私假不敢私與畜許六切○畜養性也假借人也鄭氏曰家事統於尊者也婦或賜之飲食衣服

布帛佩悅茝蘭則受而獻諸舅姑舅姑受之則喜如新

受賜悅音稅茝昌改反○或賜之謂私親兄弟與之也佩雜佩緘線之類悅悅巾茝蘭皆香草輔氏曰新

初也如初受兄弟之賜也若反賜之則辭不得命如更受賜藏以待

乏反賜之謂舅姑不受而復與之不得命不允其辭也如更受賜如再受舅姑之賜也待乏者待舅姑之空

乏而獻之也婦若有私親兄弟將與之則必復請其故賜而

後與之

復扶又切故為句○故即反賜之物也亦必再請於舅姑既許然後與之黃氏曰不敢私受故

獻諸舅姑不敢私與故復請其故

○曲禮曰父召無諾先生召無諾唯

而起

唯音委○諾應之緩唯應之速

○士相見禮曰凡與大人言始視

面中視抱卒視面母改衆皆若是

士相見禮儀禮篇名大人卿大夫也視面

觀其顏色可傳言未也抱懷抱也視抱容其思之且為敬也視面察其納已言否也母改謂見答之間當正容體以待之母自變動嫌懈惰不虛心也衆謂諸卿大夫同在此者皆若是視之儀無異也若父則遊

目母上於面母下於帶

上上聲○子於父主孝不主敬故所視差廣目觀安否何如也

記曰凡視上於面則教下於帶則憂

若不言立則視足坐則視膝

視足同其行也

視膝伺其起也

○禮記曰父命呼唯而不諾手執業則投之食

在口則吐之走而不趨

父命呼為父命所呼也唯諾皆應也而唯速於諾走趨皆步也

而走速於趨

親老出不易方復不過時親癢色容不盛此孝

子之疏節也

復音伏癢音劑○易改也不易方如已告云東往則不敢更適西也復還也不過時

如已告云晝還則不敢更至暮也癢病也色容不盛有憂色也孝子之事親無所不至此特其疏略之禮節耳

父沒而不能讀父之書手澤存焉爾母沒而杯圈不能

飲焉口澤之氣存焉爾

圈區員切○不能猶不忍父母沒而澤猶存故不忍方氏曰書

書策也杯圈飲食器也手澤汗之所漬也口澤津之所漬也口有氣焉故又以氣言之

○內則曰

父母有婢子若庶子庶孫甚愛之雖父母沒沒身敬之

不衰

婢子婢所生者若及也庶子庶孫庶母所出者父母所愛當終身敬之非特愛之而已

子有

二妾父母愛一人焉子愛一人焉由衣服飲食由執事

母敢視父母所愛雖父母沒不衰

由自也視比也

○子甚宜其

妻父母不說

句

出子不宜其妻父母曰是善事我子行

夫婦之禮焉沒身不衰

說音悅

○宜猶善也出謂出其妻應氏曰父母以為善子情雖

替而夫婦之禮亦不可不行焉

○曾子曰孝子之養老也樂其心不違

其志樂其耳目安其寢處以其飲食忠養之

養去聲樂音雒下俱

同處上聲○曾子孔子弟子名參字子輿老及四其字皆指親而言樂其心怡悅其心也不違其志承順其志也方氏曰怡聲以問所以樂其耳柔色以溫所以樂其目昏定所以安其寢晨省所以安其處忠者盡已之心也

是故父母之所愛亦愛之父母之所敬亦敬之至於犬馬盡然而況於人乎

父母所愛之犬馬猶愛之況父母所愛敬之人乎

○內

則曰舅沒則姑老冢婦所祭祀賓客每事必請於姑介

婦請於冢婦

老謂傳家事於冢婦非以年計也冢婦長婦也祭祀賓客禮之大者猶必咨稟而後

行焉介婦

舅姑使冢婦毋怠不友無禮於介婦

友當作敢○言

舅姑以事使冢婦既不可怠於事又不敢恃舅姑之命而無禮於介婦也

舅姑若使介婦毋

敢敵耦於冢婦不敢竝行不敢竝命不敢竝坐

耦音偶
敵相

抗也耦相竝也命出令也言舅姑若以事使介婦亦不敢恃此而與冢婦相抗竝非惟任事不敢抗竝亦不敢

竝行竝命
竝坐也

凡婦不命適私室不敢退婦將有事大小必

請於舅姑

凡婦通冢婦介婦言私室婦之室蓋婦侍舅姑不命之退不敢退也事謂私事

○適

子庶子祗事宗子宗婦雖貴富不敢以貴富入宗子之

家雖衆車徒舍於外以寡約入不敢以貴富加於父兄

宗族

適音的舍去聲○適子謂父及祖之適子是小宗也庶子謂適子之弟宗子謂大宗子宗婦謂大宗

子之妻祗敬也徒從人也舍置也寡少也約省也入亦謂入宗子之家加高也言非惟不敢以富貴入宗子之

家凡內外父兄宗族皆不敢以此加之

○曾子曰父母愛之喜而弗忘父

母惡之懼而無怨父母有過諫而不逆

朱子曰諫而不逆謂委曲作道

理以諫不唐突以觸父母之怒也

○內則曰父母有過下氣怡色柔聲

以諫諫若不入起敬起孝說則復諫

說音悅復扶又切吳氏曰下怡柔

皆和順之意蓋諫易至於犯故欲和順也入納也起者悚然興起之意

不說與其得罪於

鄉黨州閭寧孰諫父母怒不說而撻之流血不敢疾怨

起敬起孝

說音悅下同孰與熟同○萬二千五百家為鄉五百家為黨二千五百家為州二十五家

為閭孰諫謂純熟殷勤而諫疾惡也諫而父母不悅其罪輕不諫而父母得罪於人其罪重二者之間寧可孰

諫

○曲禮曰子之事親也三諫而不聽則號泣而隨之

號平聲○將以感動親心庶或能聽也

○父母有疾冠者不櫛行不翔言

不惰琴瑟不御食肉不至變味飲酒不至變貌笑不至

矧怒不至詈疾止復故

矧矢引切詈音利○櫛梳髮也翔張拱也惰戲慢也變猶易也

貌謂色也齒見曰矧怒罵曰詈孝子之事親病則致其憂不櫛憂不為飾也不翔憂不為容也不惰憂不為謹也不御憂不為樂也不變味憂不擇食也不變貌憂不多飲也大笑則見矧怒甚則至詈亦為忘憂故戒之復故復常也疾止○君有疾飲藥臣先嘗之親有疾飲藥則憂散故復常

子先嘗之

嘗謂度其所堪

醫不三世不服其藥

呂氏曰醫至三世活人多矣用

藥熟矣然後服之謹疾之道也方氏曰經之所言道○
其常而已非世傳而自得未及三世固在所取也

孔子曰父在觀其志父沒觀其行三年無改於父之道

可謂孝矣

行去聲○朱子曰父在子不得自專而志則可知父沒然後其行可見故觀此足以知其

人之善惡然又必能三年無改於父之道乃見其孝不然則所行雖善亦不得為孝矣

○內則曰

父母雖沒將為善思貽父母令名必果將為不善思貽

父母羞辱必不果

貽遺也令善也果謂果決為之

○祭義曰霜露既降

君子履之必有悽愴之心非其寒之謂也春雨露既濡

君子履之必有怵惕之心如將見之

悽音妻愴音創濡音儒怵音出惕他

歷切○祭義禮記篇名此言君子感時思親也履踐也
悽愴悲傷貌濡沾濕也怵惕驚動貌見之謂見其親履
霜露而悽愴故祭於秋履
雨露而怵惕故祭於春
○祭統曰夫祭也者必夫婦

親之所以備外內之官也官備則具備

夫音扶○祭統禮記篇名統猶

本也具者供祭之物國之祭卿大夫相君命婦相夫人家之祭衆子相宗子備外官也衆婦相宗婦備內官也
官既備則
事無闕矣
○君子之祭也必身親莅之有故則使人可

也
莅音利○莅臨也必身親臨之者致其如在之誠也輔氏曰有故謂疾病或不得已之事已既不克與而
時又不可失則使
他人攝之可也
○祭義曰致齊於內散齊於外齊之

日思其居處思其笑語思其志意思其所樂思其所者

齊三日乃見其所為齊者

齊音齋下同散上聲處上聲樂五教切耆音視○齊之為

言齊也所以齊不齊而致其齊也致齊於內若心不苟慮之類散齊於外若不飲酒不如葷之類樂好也耆欲也五其字及所祭之日入室儼然必有見乎其位周還為皆指親而言

出戶肅然必有聞乎其容聲出戶而聽愾然必有聞乎

其歎息之聲

儼音愛還音旋愾開代切○陳氏曰入室入廟室也儼然彷彿之貌見乎其位如見

親之在神位也周旋出戶謂薦俎酌獻之時行步周旋之間或自戶內而出也肅然敬惕之貌容聲舉動容止之聲也出戶而聽祭畢而出聽也愾然大息之聲也是故先王之孝也色不忘乎

目聲不絕乎耳心志者欲不忘乎心

輔氏曰先王能存其心故親之容色

自不忘乎目親之聲音自不絕乎耳親之心志著欲自不忘乎心

致愛則存致慤則著

著存不忘乎心夫安得不敬乎

慤音確○陳氏曰致愛極其愛親之心也致慤

極其敬親之誠也存以上文三者不忘而言著以上文見乎其位以下三者而言輔氏曰著存不忘乎心則洋洋乎如在其上如在其左右夫安得不敬乎

○曲禮曰君子雖貧不粥祭器

雖寒不衣祭服為宮室不斬於丘木

粥音育衣去聲○粥賣也丘墓也君

子寧其身之困而不忍慢其先孝敬之至也

○王制曰大夫祭器不假祭器

未成不造燕器

假借也大夫有田祿祭器當自具故不假造為也燕器自奉之器祭器未成則

不造先神而後已也

○孔子謂曾子曰身體髮膚受之父母不敢

毀傷孝之始也立身行道揚名於後世以顯父母孝之

終也

膚皮也身體言其大髮膚言其小道者當然之理身不苟安而行必由道則已之名揚於後世而父

母之名

夫孝始於事親中於事君終於立身

夫音扶○此孝之終

亦顯矣

也愛親者不敢惡於人敬親者不敢慢於人愛敬盡於

事親而德教加於百姓刑於四海此天子之孝也

惡去聲○

刑儀法也真氏曰孝者不出乎愛敬而已推愛親之心以愛人而無所疾惡推敬親之心以敬人而無所慢易則躬行於上而德教自刑於天下之人無不皆愛敬其親矣此大孝尊親之事

在上不驕高

而不危制節謹度滿而不溢然後能保其社稷而和其

民人此諸侯之孝也

濫音逸。○制節自制於禮節也。謹度謹守法度也。貴為國君可謂高

矣。富有千乘可謂滿矣。高則易危在上不驕故不危。滿則易溢制節謹度故不濫。社土神稷穀神惟諸侯得祭之。民謂庶民人謂在位者。此下三節其次弗辱之事。非先王之法服不敢服非先

王之法言不敢道非先王之德行不敢行然後能保其

宗廟此卿大夫之孝也

法法度也。道言也。宗程子曰言人宗於此而祭祀也。卿大夫有

家家必有廟故言保宗廟

以孝事君則忠以敬事長則順忠順不失

以事其上然後能守其祭祀此士之孝也

移事親之孝以事君則忠

矣。移事親之敬以事長則順矣。上即君長也。士有田祿以奉祭祀故言守祭祀

用天之道因地

之利謹身節用以養父母此庶人之孝也

朱子曰用天之道因地之

利謂依時及節耕種田土謹身謂不作非為不犯刑憲節用謂省使儉用不妄耗費如此則身安用足自有以

奉養其父母也

故自天子至於庶人孝無終始而患不及者未

之有也

孝之終始見上文事親而不能有終有始災及其身必矣

○孔子曰父母生

之續莫大焉君親臨之厚莫重焉是故不愛其親而愛

他人者謂之悖德不敬其親而敬他人者謂之悖禮

續音續

俗悖音佩○悖猶逆也真氏曰父母生我者也我則嗣續乎父母者天性之恩孰大焉君之臨臣父之臨子所以治而教之也其厚乎我孰重焉合

○孝子之事親居

君親而並言以見君臣其義一也

則致其敬養則致其樂病則致其憂喪則致其哀祭則

致其嚴五者備矣然後能事親

養去聲樂音維○致極也樂謂愉色婉容人子

事親之心自始至終無一毫之不盡可謂孝矣

事親者居上不驕為下不亂在

醜不爭居上而驕則亡為下而亂則刑在醜而爭則兵

三者不除雖日用三牲之養猶為不孝也

養去聲○驕矜肆亂悖逆

醜同類爭爭鬪亡滅亡刑刑戮也兵謂以兵力相加除去也三牲牛羊豕也三者不除戮將及親其為不孝大矣口體之奉豈足贖哉 ○孟子曰世俗所謂不孝者五情其四支

不顧父母之養一不孝也博奕好飲酒不顧父母之養

二不孝也好貨財私妻子不顧父母之養三不孝也從

耳目之欲以為父母戮四不孝也好勇鬪狠以危父母

五不孝也

養去聲下同奕音亦好去聲下同從音縱戮音六狠下懇切○四支手足也顧猶念也博

局戲奕圍碁私偏私從從恣也欲謂耳欲聲目欲色也戮羞辱狠恣戾也新安陳氏曰五不孝之序從輕漸說

重至○曾子曰身也者父母之遺體也行父母之遺體敢

不敬乎居處不莊非孝也事君不忠非孝也莅官不敬

非孝也朋友不信非孝也戰陳無勇非孝也五者不遂

哉及其親敢不敬乎

處上聲莅音利陳音陣哉音災○行猶奉也莅臨也交兵曰戰制行

伍曰陳遂成也曰莊曰忠曰敬曰信曰勇皆持身以敬也一有不敬小則辱親大則禍親矣

○孔子

曰五刑之屬三千而罪莫大於不孝

五刑墨劓剕宮大辟也墨者刺面劓

者劓鼻剕者剔足宮者去勢大辟死刑也按書呂刑墨屬千劓屬千剕屬五百宮屬三百大辟之屬二百凡三千條刑所以罰惡惡莫大於不孝故罪亦莫大於不孝

右明父子之親

禮記曰將適公所宿齊戒居外寢沐浴史進象笏書思

對命既服習容觀玉聲乃出

齊莊皆切觀音貫○適往也公所君所也宿前期也

史掌文史者笏者忽也書事以備忽忘者也思謂所思告君者對謂所擬對君者命謂君命三者皆書於笏有

進思盡忠之意焉既服著朝服畢也容貌儀觀
佩玉之聲點簡不至則失色於人故預習之

○曲禮

曰凡為君使者已受命君言不宿於家

為去聲使去聲
○君言即君命

受命即行
敬君也

君言至則主人出拜君言之辱使者歸則必

拜送於門外

使去聲○出謂出門辱者屈辱君命之臨
也陳氏曰至則拜命歸則拜送皆敬君也

若使人於君所則必朝服而命之使者反則必下堂而

受命

下使去聲○反還也朝服而
遣使下堂而受命皆敬君也

○論語曰君召使擯

色勃如也足躩如也

躩區若切○朱子曰擯主國之君
所使出接賓者勃變色貌躩躩辟

貌皆敬君
命故也

揖所與立左右手衣前後襜如也

○襜赤占切

所與立謂同為擯者也揖左人則左其手揖右人則右其手襜整貌

趨進翼如也

朱子曰疾趨而

進張拱端好如鳥舒翼

賓退必復命曰賓不顧矣

朱子曰舒君敬也○此一節記

孔子為君擯相之容

○入公門鞠躬如也如不容

朱子曰鞠躬曲身也公門高大

而若不容敬之至也

立不中門行不履闕

闕音役○朱子曰中門中於門也闕門限也謝

氏曰立中門則當尊行履闕則不恪

過位色勃如也足躩如也其言似不

足者

朱子曰位君之虛位君雖不在過之必敬不敢以虛位而慢之也言似不足不敢肆也

攝齊

升堂鞠躬如也屏氣似不息者

齊音咨屏音丙○朱子曰攝樞也齊衣下縫也

禮將升堂兩手樞衣使去地尺恐躡之而傾跌失容也屏藏也息鼻息出入者也近至尊氣容肅也

出降

一等逞顏色怡怡如也沒階趨翼如也復其位跣踏如

也

跣子六切踏音積○朱子曰等階之級也逞放也漸遠所尊舒氣解顏怡怡和悅也沒階下盡階也趨走

就位也跣踏恭敬不寧之貌復位跣踏敬之餘也此一節記孔子在朝之容

○禮記曰君賜

車馬乘以拜賜

句

衣服服以拜賜

陳氏曰君賜及門既拜受矣明日又乘服

詣君所而拜謝其賜敬之至也

君未有命弗敢即乘服也

輔氏曰君雖賜之而未有

命使之乘服則亦不敢即乘服也意者古之人君賜臣下以車服又必命之乘服與

○曲禮曰賜

果於君前其有核者懷其核

核胡得切○敬君賜也

○御食於君

君賜餘器之既者不寫其餘皆寫

既音蓋○御食侍食也餘謂食之餘者既

洗滌也陶器木器可以洗滌則就本器食之若荏竹所織之器不可洗滌則傾寫於別器而食之陳氏曰不欲口澤之
○論語曰君賜食必正席先嘗之君賜腥必熟

而薦之君賜生必畜之

畜音旭○朱子曰食恐或餒餘故不以薦正席先嘗如對君也

言先嘗則餘當頒賜矣腥生肉熟而薦之祖考崇君賜也畜之者仁君之惠無故不敢殺也

○侍食

於君君祭先飯

飯音反○祭謂祭先代始為飲食之人朱子曰侍食者君祭則已不祭而先飯

若為君嘗食然不敢當客禮也

○疾君視之東首加朝服拖紳

首去聲拖待可

切○朱子曰東首以受生氣也病卧不能著衣束帶又不能以褻服見君故加朝服於身又引大帶於上也

○君命召不俟駕行矣

朱子曰急趨君命行出而駕車隨之此四條皆記孔子事君之

禮

○吉月必朝服而朝

朝音潮下同○朱子曰吉月月朔也孔子在魯致仕時如此

○孔子曰君子事君進思盡忠退思補過將順其美匡

救其惡故上下能相親

真氏曰將猶承也匡正也進謂入見其君則思盡己之忠退謂

出適私室則思補君之過無一時一念之不在君也有善焉承順之使之益進於善有惡焉正救之使之潛消其惡此愛君之至也臣以忠愛而親其君君亦諒其忠愛而親之

○君使臣以禮臣事

君以忠

朱子曰二者皆理之當然各欲自盡而已

○大臣以道事君不可則

止

朱子曰以道事君者不從君之欲不可則止者必行己之志又曰不可則止謂不合則去也

○子

路問事君子曰勿欺也而犯之

子路孔子弟子姓仲名由字子路朱子曰犯謂

犯顏
諫爭

○鄙夫可與事君也與哉

與音于○與哉疑辭朱子曰鄙夫庸惡陋劣之

稱

其未得之也患得之既得之患失之

何氏曰患得之謂患不能得之

新安陳氏曰得謂得富貴權利

苟患失之無所不至矣

朱子曰小則吮癰舐痔大則弑

父與君皆生於患失而已

○孟子曰責難於君謂之恭陳善閉邪謂

之敬吾君不能謂之賊

范氏曰人臣以難事責於君使其君為堯舜之君者尊君之大

也開陳善道以禁閉君之邪心唯恐其君或陷於有過之地者敬君之至也謂其君不能行善道而不以告者賊害其君之甚也

○有官守者不得其職則去有言責者不得

其言則去

朱子曰官守以官為守者言責以言為責者

○王蠋曰忠臣不事

二君烈女不更二夫

蠲齊之畫邑人忠義之臣始終一心貞烈之女始終一志不以利害

易不以生死變按通鑑燕將樂毅破齊聞蠲賢使請蠲蠲拒之以此遂自經死

右明君臣之義

曲禮曰男女非有行媒不相知名非受幣不交不親

行媒

謂媒氏之往來名謂男女之名幣幣帛也

故日月以告君齊戒以告鬼神為

酒食以召鄉黨僚友以厚其別也

別必列反○日月謂取婦之期鬼神謂先

祖僚同官者友同志者厚別重其有別之禮也

取妻不取同姓故買妾不知其

姓則卜之

取音娶下同○不娶同姓為其近禽獸卜者卜其吉凶也

○士婚禮曰父

醮子命之曰往迎爾相承我宗事最帥以敬先妣之嗣

若則有常子曰諾唯恐弗堪不敢忘命

醮去聲迎去聲相去聲最音旭

帥音率○士婚禮儀禮篇名酌而無酬酢曰醮蓋醮子

以親迎也相助也妻所以助夫故謂之相宗事宗廟之

事最勉也帥倡也母曰先妣蓋古稱也先妣之嗣謂婦

代姑祭也若爾也有常始終以敬也諾應辭堪能也

父送女命之曰戒之敬之夙夜無違命

無母通下同○夙早也違逆也

命謂舅

姑之命

母施衿結帨曰勉之敬之夙夜無違宮事

衿音琴○

衿衣帶帨佩巾違乖也

宮事謂閭內之事也

庶母及門內施鞶申之以父母

之命命之曰敬恭聽宗爾父母之言夙夜無愆視諸衿

擊

衿音琴○庶母父妾擊大帶申重宗尊愆過也不違命不違宮事則無過矣視衿擊者欲其常覩之以憶

父母之言而不忘也真氏曰夫之道在敬身以帥其婦婦之道在敬身以承其夫故父之醢子曰勉帥以敬親之送女曰戒之敬之○禮記曰夫昏禮萬世之始也取夫婦之道盡於此矣

於異姓所以附遠厚別也幣必誠辭無不腆告之以直

信信事人也信婦德也一與之齊終身不改故夫死不

嫁

夫音扶取音娶遠去聲別必列反腆他典反○有夫婦然後有父子父子所以傳世故曰萬世之始附託

也託於遠嫌之義也厚別重其有別之禮不欲相褻也幣所以將意辭所以道情腆猶善也幣誠而不濫惡辭腆而不輕瀆是欲告戒為婦者以正直誠信也婦人事人者也信者事人之道婦人之德故以是告戒之齊謂

共牢而食合巹而醕不改謂不改而他適方氏曰信而無偽則直在其中矣

男子親迎男先

於女剛柔之義也天先乎地君先乎臣其義一也

迎去聲先

去聲下同○先倡導也馬氏曰男子親迎而男先於女者剛先於柔之義也豈獨婚姻之際如此天造始而地代終君主倡而臣執摯以相見敬章別也男女有別然

主和亦此義也

後父子親父子親然後義生義生然後禮作禮作然後

萬物安無別無義禽獸之道也

摯音至別必列反○昏禮摯用鴈章明也執鴈

以相見行敬以明別也男女無別則淫僻之罪多而父子之恩薄故必男女有別然後父子親父子親則義生禮作措之家國天下而萬物各安其所矣朱子曰漢武帝溺於聲色游燕後宮父子不親遂致戾太子之變此

亦夫婦無別而父子不親之一證

○取婦之家三日不舉樂思嗣親也

取音娶○取妻以代父母

昏禮不賀人之序也

序猶代也在子

有可感傷者故不舉樂

則代父在婦則

○內則曰禮始於謹夫婦為宮室辨外

代姑故不賀

內男子居外女子居內深宮固門閤寺守之男不入女

不出

閤音昏寺音氏○夫婦人倫之始禮為人倫而設故始於謹夫婦為宮室以下皆謹夫婦之事閤守

門者寺守宮者

男女不同梳枷不敢縣於夫之櫛梳不敢藏於

夫之篋笥不敢共湑浴

梳音移下同枷音架縣音元櫛音輝篋音蚨笥音似湑音逼○

橫者曰櫛直者曰櫛挂衣者也篋笥皆竹為之貯衣者也浴室曰湑草廬吳氏曰言内外之辨非特男女為然

雖夫婦得相親者亦然

夫不在斂枕篋簞席褥句器而藏之少事

長賤事貴咸如之

褥音獨○吳氏曰器者器重之謂斂枕於篋斂簞席於褥器重而藏之是

不特妻事夫之禮凡少之事長賤之事貴皆當如是也

雖婢妾衣服飲食必後長

者

長者謂婢妾中之長者婢妾雖賤亦必有長幼之倫焉

妻不在妾御莫敢當夕

接於寢曰御古者妻妾之御各有夕當夕者當妻之夕也

○男不言內女不言外非

祭非喪不相授器其相授則女受以篋其無篋則皆坐

奠之而後取之

篋音匪下同○內謂女事外謂男事篋箱類坐跪也奠置也男女授受不

親惟喪祭二事得親相授器蓋祭嚴喪遽不嫌也非此二事則不得親相授器其或相授則女必執篋使授者

置之篋中然後受之其或無篋則男女皆跪授者置諸地受者取諸地不親相授也外內不共井

不共湑浴不通寢席不通乞假男女不通衣裳

乞求也假借也

輔氏曰井湑一定故言不共寢席衣裳可移故言不通外內況也男女切也

男子入內不嘯

不指夜行以燭無燭則止女子出門必擁蔽其面夜行

以燭無燭則止

嘯謂蹙口出聲指謂用手指畫不嘯不指為駭人視聽也以用也擁猶障也

道路男子由右女子由左

道路之法其右以行男子其左以行女子地道尊右故男

右而女左

○孔子曰婦人伏於人也是故無專制之義有三

從之道在家從父適人從夫夫死從子無所敢自遂也

教令不出閨門事在饋食之間而已矣

食音似○伏屈伏也專制自遂

即下文所謂擅為獨成也饋食供饋酒食也已止也

是故女及日乎閨門之內不

百里而奔喪事無擅為行無獨成參知而後動可驗而

後言晝不遊庭夜行以火所以正婦德也

奔音奔行去聲○及日猶

言終日不百里猶言不越境參使人相參也驗證驗也晝居於內而不出中庭夜行於內而必照以火婦人之德以順為正凡此皆所以正婦德而使之正也女有五不取逆家子不取亂家

子不取世有刑人不取世有惡疾不取喪父長子不取

取音娶下同○逆謂逆德如不忠不孝之類亂謂亂倫世有刑人棄於人也世有惡疾棄於天也長子長女也

喪父而又無兄則無所受命矣或疑世有刑人不取朱子曰所謂不取者是世世為惡不能改者非指一世而言如喪父長子不取却可疑若然則無父之女不復嫁此不可曉

婦有七去不順父母

去無子去淫去妬去有惡疾去多言去竊盜去

妬妬忌也 不順

父母去為其逆德也無子去為其絕世也淫去為其亂族也妬去為其亂家也有惡疾去為其不可與共處盛也多言去為其間親也竊盜去為其反義也無子去惡疾去於義未安若必以為不去則無以承宗事繼後世也處之自當以義何至於去邪此皆可疑

有三不去有所取無所歸不去與

更三年喪不去前貧賤後富貴不去

取去聲與音預更平聲○有所取無

所歸謂其嫁有所受命後無父兄無可回之地也與更三年喪謂曾居舅姑之喪也前貧賤後富貴謂娶婦時

貧賤而今
富貴也

凡此聖人所以順男女之際重婚姻之始也

際謂交際之道始謂
正始之義通結此章

○曲禮曰寡婦之子非有見焉弗

與為友

見音現○見謂才德著見不
著見則不友避好色之嫌也

右明夫婦之別

孟子曰孩提之童無不知愛其親及其長也無不知敬

其兄也

朱子曰孩提二三歲之間知孩笑可提抱者也
孝弟之心人皆有之堯舜所以世為天下法亦

充此而
已矣

○徐行後長者謂之弟疾行先長者謂之不弟

弟去聲下同先去聲○徐緩也後長者在長者之後
也疾速也先長者在長者之先也善事兄長為弟

○

曲禮曰見父之執不謂之進不敢進不謂之退不敢退

不問不敢對

陳氏曰父之執父同志之友也謂之命之也敬之同於父

○年長以倍

則父事之十年以長則兄事之五年以長則肩隨之

泛此

言敬長之節人生以十年為一節倍之則二十年也父事之兄事之即後章所謂父之齒隨行兄之齒鴈行也肩隨之並行而稍退也 ○謀於長者必操几杖以從之長者問不

辭讓而對非禮也

操七刀切 ○操執也從就也几所以憑杖所以扶謀事於長者必執以就

之非謂長者所無也盡禮而已曾子曰參不敏何足以知之公西華曰非曰能之願學焉皆辭讓之言也 ○

從於先生不越路而與人言遭先生於道趨而進正立

拱手先生與之言則對不與之言則趨而退

從去聲○從隨行也

越踰也遭遇也趨急走也

從長者而上丘陵則必鄉長者所視

從去聲上

上聲鄉音向○土高曰丘大阜曰陵向長者所視恐其因所見而問則可即所見以對也

○長者與

之提攜則兩手奉長者之手負劍辟咥詔之則掩口而

對

奉音捧辟音僻咥音二○提攜謂牽行捧手所以承長者之意負劍即帶劍謂長者旁挾幼者狀如帶劍

也辟偏也咥口旁也詔猶語也掩口謂以手障口不使氣觸長者

○凡為長者糞之禮

必加帚於箕上以袂拘而退其塵不及長者以箕自鄉

而扱之

拘音勾鄉音向扱音吸○糞與拚同掃地也袂袖也拘障也退卻行也扱斂取也初則置帚於

箕上得以兩手舉箕掃地之時則一手執帚一袖障帚卻步而行不使塵及長者終則以箕自向斂取其塵不以箕向長者皆敬也○將即席容毋怍兩手摳衣去齊尺怍音昨

反齊音咨○即就也怍愧也失容則可愧矣齊衣下縫也兩手摳衣使去地尺恐躡之而傾跌失容也衣

毋撥足毋蹶先生書策琴瑟在前坐而遷之戒勿越半撥

未切蹶音厥○撥發揚貌蹶行遽貌二者亦失容坐跪也遷移也越謂跨之而過此皆將即席之事下文乃既

即席之事坐必安執爾顏長者不及毋僂言僂音慙○安謂不搖動爾指少

者執顏即正顏色也不及不言及也僂言參雜長者之先而言也正爾容聽必恭毋勦

說毋雷同必則古昔稱先王勦初交切○容謂見於一身者聽謂聽長者之言勦

說學取人之言也雷同附和人之言也法則古昔稱述先王則言有據而非勸說雷同矣

○侍坐於

先生先生問焉終則對請業則起請益則起

陳氏曰問終而後對

欲盡聞所問之旨且不敢參雜先生之言也請業者求當習之事請益者再問未盡之蘊起所以致敬

○

尊客之前不叱狗讓食不唾

叱音赤唾吐卧切○不叱狗慮駭尊客之聽不吐唾

慮拂尊客之意

侍坐於君子君子欠伸捩杖屨視日蚤莫侍坐

者請出矣

捩仕轉切蚤音早莫音暮○氣乏則欠體疲則伸捩猶轉動也日謂日影四者皆厭倦之

容故請退以息之

○侍坐於君子君子問更端則起而對

更平聲○

問更端更易事端而見問也起所以致敬

○侍坐於君子若有告者曰少間

願有復也則左右屏而待

白也言欲得少間隙以白事

也屏退也居左則屏於左居右則屏於右屏而且待者屏所以遠人之私語待所以防君子之召

○侍

飲於長者酒進則起拜受於尊所長者辭少者反席而

飲長者舉未醕少者不敢飲

醕音醕○尊酒尊也辭止之也反還也舉猶飲也盡

酒曰醕

○長者賜少者賤者不敢辭

不敢抗禮也

○御同於長

者雖貳不辭偶坐不辭

御侍也貳謂重敬膳偶坐謂配長者而坐侍食不辭饌偶坐不

辭席皆以其不為已設非已之所敢辭也一說或侍食或偶坐有盛饌皆不辭

○侍於君子不

顧望而對非禮也

饒氏曰顧顧自巳望望君子

○少儀曰尊長於已

踰等不敢問其年燕見不將命過於道見則面不請所

之

少去聲見音現○少儀禮記篇名踰等祖與父之行流也不敢問年嫌若序齒也燕私來見不敢使損者

傳命非賓主之禮也相遇於道路尊長見已則面見之不見則隱避不敢煩動之也不請所之不敢問其所往

也

侍坐弗使不執琴瑟不畫地手無容不翣也寢則坐

而將命

晏色洽切○翣扇也坐跪也侍坐於尊長不使之鼓琴瑟則不得擅執而鼓之無故而畫地弄

手以為容揮扇以取涼皆不敬也若當尊長寢卧而傳命則跪而言不敢直立以臨之

侍射則約

矢侍投則擁矢勝則洗而以請

矢箭也射禮二人為耦各四矢更迭取之卑幼

則一時并取之故曰約矢投壺之禮賓主亦各四矢皆委於地一一取而投之卑幼則悉抱之故曰擁矢此皆

不敢與尊長抗也。若已勝則不敢使人酌以罰尊長。必自洗爵而請行觴。若尊長勝則亦不敢使人酌以飲已。必自洗爵而請自飲。故曰洗而以請。

○王制曰父之齒隨行兄之齒鴈行

朋友不相踰

父之齒年與父等者兄之齒年與兄等者朋友年相若者隨行行則隨之也鴈行行

如鴈列也踰越也。不相踰並行而齊也。

輕任并重任分頒白者不提挈

并去

聲頒音班。○任以肩背提挈以手頒老人頭半白黑也。并謂少者獨任之分謂少者分任之不提挈謂少者代

之君子耆老不徒行庶人耆老不徒食

耆音其。○君子謂士也。六十曰

耆七十曰老徒空也不徒行則有車不徒食則有肉。○此章記古者敬長優老之制。

○論語曰鄉

人飲酒杖者出斯出矣

朱子曰杖者老人也六十杖於鄉未出不敢先既出不敢後。○

此章記孔子居鄉之事

右明長幼之序

凡二十條禮文雖殊要皆不出乎敬之一字曰先生以教

稱之也曰君子以德稱之也曰尊父行也曰長兄長也皆以長為主也

曾子曰君子以文會友以友輔仁

朱子曰講學以會友則道益明取善以輔

仁則德日進

○孔子曰朋友切切悌悌兄弟怡怡

悌音思○胡氏曰切

切懇到也悌悌詳勉也怡怡和悅也

○孟子曰責善朋友之道也

朱子曰朋友當

相責以善也

○子貢問友孔子曰忠告而善道之不可則止

毋自辱焉

告音谷○子貢孔子弟子姓端木名賜朱子曰友所以輔仁故盡其心以告之善其說以

道之然以義合者也故不可則止若以數而見疏則自辱矣

○孔子曰居是邦也事

其大夫之賢者友其士之仁者

朱子曰賢以事言仁以德言事大夫之賢者則

有所嚴憚友士之仁者則有所切磋皆進德之助也

○益者三友損者三友友直

友諒友多聞益矣友便辟友善柔友便佞損矣

○便平聲諒信

實也善猶工也朱子曰友直則聞其過友諒則進於誠友多聞則進於明便習熟也使辟謂習於威儀而不直善柔謂工於媚悅而不諒便佞謂習於口語而無聞見之實三者損益正相反也

○孟子曰不

挾長不挾貴不挾兄弟而友友也者友其德也不可以

有挾也

朱子曰挾者兼有而恃之之稱陳氏曰有挾則取友之意不誠

○曲禮曰君子

不盡人之歡不竭人之忠以全交也

竭亦盡也歡謂好於我忠謂盡心於

我不過望於人則交道可全矣

○凡與客入者每門讓於客客至寢門

主人請入為席然後出迎客客固辭主人肅客而入主

人入門而右客入門而左

凡者通貴賤言每門通大門寢門言讓於客欲客先入也

寢門內門為猶布也固辭再辭肅謂揖也客辭不先入故主人揖客而先入以導之凡門南向入則東為右而

西為左

主人就東階客就西階客若降等則就主人之階

主人固辭然後客復就西階主人與客讓登主人先登客從之拾級聚足連步以上上於東階則先右足上於

西階則先左足

上上聲下同○降等謂等列卑於主人先登所以導客拾當作抄級謂階之等

聚足後足合前足也連步以上不躐等也先右先左以相向為敬客也

○大夫士相見雖

貴賤不敵主人敬客則先拜客客敬主人則先拜主人

貴謂大夫賤謂士朋友之交先施之而已

○主人不問客不先舉

客自外至主人當先

致問客不當先舉言也

右明朋友之交

孔子曰君子之事親孝故忠可移於君事兄弟故順可移於長居家理故治可移於官是故行成於內而名立

於後世矣

弟去聲行去聲○長謂官在已上者理猶齊也孝弟則家齊忠順則國治行即孝弟內即

家也

○天子有爭臣七人雖無道不失其天下諸侯有爭

臣五人雖無道不失其國大夫有爭臣三人雖無道不

失其家士有爭友則身不離於令名父有爭子則身不

陷於不義

爭去聲下同離去聲○爭諫也父有爭子通上下言不義即無道也

故當不義

則子不可以弗爭於父臣不可以弗爭於君

范氏曰子不爭則陷

父於不義臣不爭則陷君於無道

○禮記曰事親有隱而無犯左右就

養無方服勤至死致喪三年

養去聲○隱微諫也犯犯顏以諫也親者仁之所在

有過而犯則傷恩故有隱而無犯左右即方也或左或右就近而奉養之無一定之方言事事皆當理會也服勤服行勤勞之事也致喪極其哀毀之節也黃氏曰於勤言至死則勤無時或已矣

事君有犯而

無隱左右就養有方服勤至死方喪三年

君者義之所在有過而隱

則近於容悅故有犯而無隱左右就養有方言當各盡職守也方喪比方於親喪也

事師無犯無

隱左右就養無方服勤至死心喪三年

劉氏曰師者道之所在諫必不

見拒不必犯也過則當疑問不必隱也心喪者身無衰麻之服而心有哀戚之情也

○藥共子曰

民生於三事之如一父生之師教之君食之非父不生非食不長非教不知生之族也故一事之唯其所在則

致死焉

共音恭食音似下同○藥共子晉大夫名成食養也族類也君父師皆人之所由生者故曰民

生於三又曰生之族也一事之即事之如一報生以死

報賜以力人之道也

真氏曰報生以死謂君父師也報賜以力謂他人之有賜於我者則

以力報之也

○晏子曰君令臣共父慈子孝兄愛弟敬夫和

妻柔姑慈婦聽禮也

共音恭○晏子齊大夫名嬰聽猶從也真氏曰此十者皆禮之當然

君令而不違臣共而不二父慈而教子孝而箴兄愛而

友弟敬而順夫和而義妻柔而正姑慈而從婦聽而婉

禮之善物也

共音恭○箴諫也從不自專也婉順也物猶事也真氏曰君以出令為職要必不違

於理然後人心服而令行臣之事君以恭為本然必忠誠不二然後可貴父慈而不能教則敗其子子孝而不能箴則陷父於不義兄能愛弟矣必有切磋之益如朋友之相資弟能敬兄矣必有和順之美使情意之相親夫之於妻雖貴和樂必以義而帥其妻妻之於夫雖貴柔順必以正而事其夫君臣以下皆以二德相濟姑之於婦一於慈而從婦之於姑一於聽而婉者蓋姑婦相與專主於和柔也此十者於禮為至善矣

○曾

子曰親戚不說不敢外交近者不親不敢求遠小者不

審不敢言大

說音悅○親戚謂父兄外謂外人近即內人遠即外人小謂家大謂國與天下此三

者欲人先脩孝弟於家耳

故人之生也百歲之中有疾病焉有老幼

焉故君子思其不可復者而先施焉親戚既沒雖欲孝

誰為孝年既耆艾雖欲悌誰為悌故孝有不及悌有不

時其斯之謂歟

為去聲下同○六十曰耆耆之言久也五十曰艾艾之言老也其間有疾病老

幼之變不能常也故君子思其養之不可復追而及時先行之若親沒則養不逮已老則兄不存欲行孝弟不可得已曾子曰木欲靜而風不止子欲養而親不逮此孝有不及之意也李勣曰姊年老勣亦老雖欲數為姊煑粥得乎此悌有不時之意也

○官怠於宦成病加於小愈禍生於懈

惰孝衰於妻子察此四者慎終如始詩云靡不有初鮮

克有終

宦成官已遂也小愈病稍減也懈惰不謹也詩大雅蕩之篇靡無鮮少克能也有始無終人之

常情能察能慎斯免矣

○荀子曰人有三不祥幼而不肯事長賤

而不肯事貴不肖而不肯事賢是人之三不祥也

荀子名況

戰國人祥吉也三者皆凶德有一於是災及其身矣

○無用之辯不急之察棄而

不治若夫君臣之義父子之親夫婦之別則日切磋而

不舍也

別必列反○治理也舍亦棄也切以刀鋸磋以鑢錫皆治骨角之事無用之言而辯之不急之

務而察之非惟無益反害於心故當棄而不理若夫三綱之道乃人倫之大者則當朝夕講習如切如磋已精

而益求其精

不可舍也

右通論

通論五德

御定小學集註卷二


謹案卷一第七頁前二行方田粟米刊本米訛布

據周禮保氏注改

卷二第一頁前五行凡百七章刊本章訛篇今改
第三頁前四行縣衾篋枕刊本篋訛蛺據禮記改
第十一頁後六行肅然儆惕之貌刊本儆訛敬據
禮記集說改

第二十頁後三行辨外內刊本外內二字倒據禮
記改

第二十二頁前七行喪父長子不取按大戴禮本
命篇父作婦與此異



總校官庶吉士臣侍朝

校對官編修臣楊壽楠

謄錄監生臣鄒貽詩

欽定四庫全書薈要

子部

御定小學集註卷

三
四

詳校官主事臣陳本

欽定四庫全書舊要卷一萬三百三十七

子部

御定小學集註卷三

內篇

敬身第三

敬身者敬以持身也。許文正公曰：敬身之目，其別有四：心術、威儀、衣服、飲食。心

術正乎內，威儀正乎外。則敬身之大體得矣。其衣服飲食所以奉身也，苟不制之以義節之，以禮將

見其所以養人者，反害於人也。分而言之，心術、威儀、修德之事也；衣服、飲食，克己之事也。統而言之，皆敬身之要也。蓋惟敬身故於父子君臣夫婦長幼朋友之間無施而不可。此古人修身必本於敬

矣。凡四

十六章



○孔子曰君子無不敬也敬身為大身也者親之枝也

敢不敬與不能敬其身是傷其親傷其親是傷其本

傷其本枝從而亡

與平聲。身之於親猶木之有枝親之於身猶木之有本

仰聖

模景賢範述此篇以訓蒙士

仰慕也景猶向也聖賢之言為天下後世法故

曰範
模

丹書曰敬勝怠者吉怠勝敬者滅義勝欲者從欲勝義

者凶

丹書書名師尚父所以告武王者敬敬畏怠怠慢滅亡也義者天理之公欲者人欲之私從順也真

氏曰敬則萬善俱立怠則萬善俱廢義則理為之主欲則物為之主吉凶存亡之所由分也

○曲禮

曰毋不敬儼若思安定辭安民哉

黃氏曰毋禁止辭儼矜莊貌人之坐思貌

必儼然安定審也毋不敬正其心也儼若思正其貌也安定辭正其言也安民哉正已而物正也

教不

可長欲不可從志不可滿樂不可極

從音縱。教者矜已慢物之謂欲謂

飲食男女之欲馬氏曰教不可長必消而絕之欲不可縱必克而止之志不可滿必損而抑之樂不可極必約而歸賢者狎而敬之畏而愛之愛而知其惡憎而知其

善積而能散安安而能遷

狎謂素親狎安安謂安其所安朱子曰此言賢者於其所

狎能敬之於其所畏能愛之於其所愛能知其惡於其所憎能知其善雖積財而能散施雖安安而能遷義可以為法與上下文臨財毋苟得臨難毋苟免狠毋求勝

禁戒之辭不同

分母求多

難去聲。苟苟且分分財母苟得見利思義也母苟免見危授命也母求勝忿思難也母

求多患不均也

疑事毋質直而勿有

質成也事有疑則闕之不可以已意斷也朱子曰兩

句連說為是疑事毋質即少儀所謂毋身質言語也直而勿有謂陳我所見聽彼決擇不可據而有之專務強辯不然則是以 ○孔子曰非禮勿視非禮勿聽非禮勿

身質言語也

言非禮勿動

此答顏淵問仁也朱子曰非禮者己之私也勿者禁止之辭又曰但有些箇不循道

理處便是非禮也

○出門如見大賓使民如承大祭已所不欲

勿施於人

此答仲弓問仁也出門如賓使民如祭敬以持已也已所不欲勿施於人恕以及物也

○居處恭執事敬與人忠雖之夷狄不可棄也

處上聲此答

樊遲問仁也之往也夷東夷狄北狄朱子曰恭主容敬主事恭見乎外敬主乎中雖之夷狄不可棄勉其固守而勿失也蔡氏曰諸子問仁而所答各異者因其所稟之資而發也○言忠信行篤敬雖

蠻貊之邦行矣言不忠信行不篤敬雖州里行乎哉

此答

子張問行也盡已之謂忠以實之謂信篤厚也篤敬厚而敬也蠻南蠻貊北狄二千五百家為州二十五家為里乎哉○君子有九思視思明聽思聰色思溫貌思恭

言思忠事思敬疑思問忿思難見得思義

朱子曰視無所蔽則明無

不見聽無所壅則聰無不聞色見於面者貌舉一身而言思問則疑不蓄思難則忿必懲思義則得不苟○

曾子曰君子所貴乎道者三動容貌斯遠暴慢矣正顏

色斯近信矣出辭氣斯遠鄙倍矣

遠去聲下同倍音佩朱子曰貴猶重也

容貌舉一身而言斯猶即也暴粗厲也慢放肆也信實也正顏色而近信則非色莊也辭言語氣聲氣也鄙凡陋也倍與背同謂背理也言道雖無所不在然君子所重者在此三事而已是皆修身之要為政之本學者所當操存者察而不可有造次顛沛之違者也

○曲禮曰禮不踰節不侵侮不

好狎脩身踐言謂之善行

好去聲行去聲○踰越也節謂上下之等級侵侮侵犯而

侮慢也好狎好為褻狎也三者禮之所禁也脩治其身踐行其言二者行之善者也然禮之實亦不外是也

○樂記曰君子姦聲亂色不留聰明淫樂慝禮不接心

術惰慢邪辟之氣不設於身體使耳目鼻口心知百體

皆由順正以行其義

慝音忒辟音僻。姦聲亂色聲。色之不正者也。淫樂慝禮禮樂之不

正者也不留聰明謂不停於耳目不接心術謂不入於念慮由從也。真氏曰君子之所以自養者無他內外文致其功而已。姦聲亂色不留聰明養其外也。淫樂慝禮不接心術養其內也。惰慢之氣自內出者也。邪辟之氣自外入者也。二者不設於身體如是則外而耳目鼻口百體內而心知皆由順正以行其義自養之功畢矣。

○孔子曰君子食無求飽居無求安敏於事而慎於言

就有道而正焉可謂好學也已

朱子曰不求安飽者志有在而不暇及也敏於

事者勉其所不足慎於言者不敢盡其所有餘也然猶不敢自是而必就有道之人以正其是非則可謂好學

也○管敬仲曰畏威如疾民之上也從懷如流民之下

也見懷思威民之中也

管敬仲齊大夫名夷吾威刑名也疾病也懷貪欲也流謂水

之流畏威如疾懷刑之君子也從懷如流懷惠之小人也見懷思威畏則君子不畏則小人矣

右明心術之要

冠義曰凡人之所以為人者禮義也

冠去聲○冠義禮記篇名人之所以

異於禽獸者以其有禮義也冠者成人之道故以是責之禮義之始在於正容體齊

顏色順辭令容體正顏色齊辭令順而後禮義備以正

君臣親父子長幼君臣正父子親長幼和而後禮義

立順謂順理○曲禮曰毋側聽毋噉應毋淫視毋怠荒

立猶成也

遊母倨立母跛坐母箕寢母伏歛髮母髻冠母免勞母

袒著母褰裳

嗽音叫倨音句跛音庇髻音替袒音但褰音牽○側聽側耳以聽也嗽應高急以應

也淫視流動而視也怠荒容止放縱也遊行也倨傲慢也跛偏任一足也箕兩展其足如箕也伏覆其身也髻髮也言垂如髮也免脫去也袒露臂也褰揭也袒衣所以息倦褰裳所以取涼凡此數者皆不敬也敬身之要禁止乎此 ○登城不指城上不呼呼去聲○指則感人之見呼則感人之聞而已矣

將適舍求母固

適舍就主人之館也有所求而堅欲得之非為客之道矣

將上堂聲

必揚戶外有二屨言聞則入言不聞則不入

上上聲屨音句聞音

問下同○陳氏曰上堂升主人之堂也揚其聲者使內人知之也古人脫屨在戶外客雖衆脫屨於戶內者惟

長者一人言有二屨則并戶內一屨為三人矣三人而所言不聞於外必是密謀故不入也。古者即席則去屨踐席。將入戶視必下入戶奉局視瞻毋回戶開亦開

戶闔亦闔有後入者闔而勿遂

奉音捧局消焚切。陳氏曰入戶入主人之戶

也視下不舉目也局門闔木也入戶之時兩手當心如奉局然雖視瞻而不為迴轉嫌於十人之私也闔皆如前不違主人之意也遂闔之毋踐屨毋踏席振衣趨盡也嫌於拒後來者故勿遂

隅必慎唯諾

踏音迹撫苦侯切唯音委。此即席之儀踐屨踏他人之屨也踏席躡他人之席也

振揚也陳氏曰欲便於坐故撫之趨隅由席角而升坐也唯諾皆應辭既坐定又當謹於應對也

○禮

記曰君子之容舒遲見所尊者齊遯

齊莊皆切遯音連舒遲閒雅也燕

居之容齊邀謹飭也敬所尊之意

足容重手容恭目容端口容止聲容

靜頭容直氣容肅立容德色容莊

重舉欲進也恭高且正也端不邪視也止

不妄言也靜不噦咳也直不傾顧也肅似不息也德謂中立不倚儼然有德之氣象莊矜持之貌朱子曰九者

皆敬之目即此是涵養本原也

○曲禮曰坐如尸立如齊

齊莊皆切尸以象神齊

以交神朱子曰皆敬之目也

○少儀曰不窺密不旁狎不道故舊不

戲色

窺覘人隱處狎與人褻狎言知識之過失為戲侮之容色皆非厚重之事

毋拔來毋報

往

拔蒲未切報音赴○拔赴皆疾也朱子曰來往只是向背之意言人見有箇好事火急歡喜去做這樣人

不耐久少間心懶意闌則速去之矣所謂其進銳者其退速也

毋瀆神毋循枉毋測未

至

毋瀆神敬鬼神而遠之也毋徇枉過則勿憚改也毋測未至不逆詐不億不信也

毋訾衣服

成器毋身質言語

訾音子。訾毀也人之衣服及已成之器不可毀其不善也質成也言語

之際疑則闕之不可以已意斷也

○論語曰車中不內顧不疾言不親

指

朱子曰內顧回視也三者皆失容且惑人。此章記孔子升車之容

○曲禮曰凡視上

於面則教下於帶則憂傾則姦

教音傲。呂氏曰上於面者其氣驕知其不能

下人矣下於帶者其神奪知其憂在乎心矣視流則容側必有不正之心存乎胷中矣此君子之所慎也○

論語曰孔子於鄉黨恂恂如也似不能言者

恂音荀。朱子曰恂

恂信實之貌似不能言者謙卑遜順不以賢知先人也鄉黨父兄宗族之所在故孔子居之其容貌辭氣如此

其在宗廟朝廷便便言唯謹爾

朱子曰便便辯也宗廟禮法之所在朝廷政事

之所出言不可以不明辯故必詳問而極言之但謹而不放爾

朝與下大夫言侃侃如

也與上大夫言誾誾如也

誾音銀○朱子曰此君未視朝時也侃侃剛直也誾誾和

悅而諍也○此章記孔子在鄉黨宗廟朝廷言貌之不同

○孔子食不語寢不言

朱

曰答述曰語自言曰言范氏曰聖人存心不他當食而食當寢而寢言語非其時也

○士相見禮

曰與君言言使臣與大人言言事君與老者言言使弟

子與幼者言言孝弟於父兄與衆言言忠信慈祥與居

官者言言忠信

大人即大夫也老者人之父兄幼者人之子弟衆謂衆人居官者謂上士至庶

人在官者言使臣則以禮言事君則以忠言使弟子則以慈愛祥猶善也○論語曰席不正

不坐

謝氏曰聖人心安於正故於位之不正者雖小不處

○子見齊衰者雖狎必

變見冕者與瞽者雖褻必以貌

齊音咨哀音崔瞽音古褻音屑○齊哀喪服也

狎謂素親狎變謂變其容色冕有爵者瞽無目者褻謂燕見貌謂禮貌范氏曰聖人之心哀有喪尊有爵矜不

成人凶服者式之式負版者

朱子曰式車前橫木有所敬則俯而憑之負版持邦國圖

籍者式此二者哀有喪重民數也

○禮記曰若有疾風迅雷甚雨則必

變雖夜必興衣服冠而坐

迅音信○迅急也變謂變其容色興起也皆所以敬天之

怒

○論語曰寢不尸居不容

尸屍通用○朱子曰尸謂偃卧似死人也居居家容

容儀。○此章記孔子之事。

○子之燕居申申如也，天天如也。

朱子曰：燕居閑

暇無事之時。楊氏曰：申申，其容舒也。天天，其色愉也。程子曰：今人燕居之時，不怠惰放肆，必太嚴厲，唯聖人便

自有中和之氣。

○曲禮曰：並坐不橫，肱授立不跪，授坐不立。

姑肱

橫切。○肱，臂也。不橫，肱為妨。並坐者，授以物與人，也不跪不立，為不便於受者。

○入國不馳入

里，必式。

吳氏曰：國，國都；馳，驟車馬也。不馳者，恐傷人也。二十五家為里，式說見前章。必式者，恐里中

有賢人也。

○少儀曰：執虛如執盈，入虛如有人。

執虛器如執盈滿之器入

虛室如入有人之室，敬心常存也。

○禮記曰：古之君子必佩玉，右徵角

左宮羽。

徵音止。○佩玉比德也。徵，角宮羽玉聲所中也。左右之分，互大耳，不言商者，亦以文不偶而遺

之也必求其趨以采薺行以肆夏周還中規折還中矩
取義則泥矣

進則揖之退則揚之然後玉鏘鳴也故君子在車則聞

鸞和之聲行則鳴佩玉是以非辟之心無自入也

薺音慈還

音旋下同中音衆下同辟音僻。自由也通上文而言
君子以禮樂養其心故非違邪僻之心無由而入也朱
子曰周旋是直去了却回來其回轉處欲其圓如規也
折旋是直去了復橫去其橫轉處欲其方如矩也陳氏
曰路寢門外至應門曰趨趨則歌采薺之詩以為節路
寢門內至堂曰行行則歌肆夏之詩以為節進而前則
其身略俯故曰揖退而後則其身微仰故曰揚進退俯
仰皆得其節故佩玉之聲鏘然而鳴焉鸞和皆車上之
鈴也方氏曰心雖在內有物引之
而出及其久也則與物俱入矣

○射義曰射者進退

周還必中禮內志正外體直然後持弓矢審固持弓矢

審固然後可以言中此可以觀德行矣

還音旋中音衆
行去聲○射義

禮記篇名方氏曰進退者升降之節周還者揖讓之容
內志正然後持弓矢審外體直然後持弓矢固惟固也
故其力能至惟審也故其巧能中○動必合禮
而志正體直有德行者也故曰可以觀德行也

右明威儀之則

士冠禮始加祝曰令月吉日始加元服棄爾幼志順爾

成德壽考維祺介爾景福

冠音貫令去聲祺音其○士
冠禮儀禮篇名古者二十而

冠筮日筮賓三加而三祝之始加用緇布冠令吉皆善
也元首也元服謂冠也爾汝順從祺祥也介景皆大也

棄童幼之志而從成人之德
斯有壽考之祥而介大福矣
再加曰吉月令辰乃申爾

服敬爾威儀淑慎爾德
眉壽萬年永受胡福
再加用皮弁辰時也

申重也有威而可畏謂之威
有儀而可象謂之儀
淑善也
眉壽老人以秀眉為壽徵也
胡猶遐也
敬威儀而善

謹其德則首壽萬年而永享遐福矣
三加曰以歲之正以月之令咸加爾

服兄弟具在以成厥德
黃耆無疆受天之慶
耆音苟疆音姜○三

加用爵弁正猶善也
咸猶盡也
兄弟具在祝其無故也
黃謂髮白而復黃耆凍梨也
老人而色如之皆壽徵也

疆猶限也
德既成則有無疆之壽而受天之福慶也
○曲禮曰為人子者父母存

冠衣不純素
孤子當室冠衣不純采
純音准下同○冠飾衣緣皆曰純不

純素樂也不純采哀也幼而無父曰孤當室
為父後者雖除喪猶純素加隆也衆子則否 ○論語曰

君子不以紺緇飾

紺古暗切緇音鄒。朱子曰君子謂

三年之喪以飾練服者飾領緣也
張氏曰紺緇不以飾重喪祭也

紅紫不以為褻服

朱

曰紅紫問色不正且近於婦人
女子之服也褻服私居服也

當暑袷絺綌必表而出

之

袷音軫絺音咎綌音乞逆切。朱子曰袷單也葛之精

者曰絺纈者曰綌表而出之謂先著裏衣表絺綌而

出之於外欲其不見體也 ○去喪無所不佩

去上聲。朱子曰君子

屬亦皆佩也

○孔子羔裘玄冠不以弔

羔裘用黑羔皮為之

素吉主玄弔必變服所以哀死
○此三章皆記孔子衣服之制

○禮記曰童子不裘不

帛不屨絢

屨音句。絢音勗。屨頭飾不裹不帛不備服也。不屨絢不盡飾也。皆以其未成人也。

○孔子曰士志於道而恥惡衣惡食者未足與議也。朱

曰心欲求道而以口體之奉不若人為恥其識趣之卑陋甚矣何足與議於道哉

右明衣服之制

曲禮曰共食不飽共飯不澤手

飯上聲。食者所食非一品飯者止飯而已共

食而求飽非讓道也古之飯者以手共飯而手有汗澤人將惡之矣毋搏飯毋放飯毋流

毋搏音團上飯去聲下飯音反歆昌悅切。取飯作搏則易得多是欲爭飽也放飯大飯食無節也流歆長

歆飲無節也毋啗食毋齧骨毋反魚肉毋投與狗骨毋固獲

咤母亞切。𩚑魚列切。咤謂以舌作聲反。謂還之器中。固獲謂必欲取之。母咤食母。𩚑骨皆嫌不謹也。母反魚肉為已歷口人所穢也。母投與狗骨慮其相噬也。母固獲嫌貪食也。母揚飯飯黍母以箸。上飯去聲。下飯音反箸音住。陳氏曰揚謂以手散其熱氣嫌欲食之急也。母以箸取匙之便也。母還羹

母絮羹母刺齒母歆醢客絮羹主人辭不能烹客歆醢

主人辭以宴

嚶音塔絮音處刺音戚歆昌悅切下同醢音海宴音巨。嚶謂羹有菜以口嚶食之

絮謂羹無味就器調和之刺猶剔也。歆謂詳味之母嚶羹宜以箸也。母刺齒亦嫌不謹也。母絮羹母歆醢皆惡貪味也辭不能烹煮辭以貧宴蓋主人不當正容之失但遜謝之而已。濡肉齒決乾肉不

齒決母嘏炙

濡音如乾音干嘏初怪切炙音柘。濡濕也。決乾肉脯類濕肉以齒斷之乾肉

以手治之各有宜也矣矣肉一食
盡嚙曰噉毋噉矣謂宜以漸食之
○少儀曰侍燕於君

子則先飯而後已毋放飯毋流歎小飯而亟之數噉毋

為口容

飯音反下俱同亟音擊數音朔噉在笑切○君
子三達尊之稱先飯者嘗食之禮後已者勸食

之意放飯流歎說見前章小口而飯備噉噉也亟疾而
噉備見問也數數而噉易至於弄口為容故又以為戒

○論語曰食不厭精膾不厭細

食音似膾音膾○朱子
曰食飯也精鑿也牛羊

與魚之腥羶而切之為膾食精則能養人膾麤
則能官人不厭言以是為善非謂必欲如是也食饅而

餲魚餲而肉敗不食色惡不食臭惡不食失飪不食不

時不食

食音似饅於計切餲於賣切餲奴罪切飪而甚
切○吳氣也朱子曰饅飯傷熱濕也餲味變也

魚爛曰餒肉腐曰敗色惡臭惡味敗而色臭變也註烹調生熟之節也不時五穀不成果實未熟之類此數者

皆足以傷人故不食割不正不食不得其醬不食朱子曰割肉不方正者不食造

次不離於正也食肉用醬各有所宜不得則不食惡其不備也此二者無害於人但不以嗜味而苟食耳肉

雖多不使勝食氣唯酒無量不及亂食音似○朱子曰食以穀為主故不

使肉勝食氣酒以為人合權故不沽酒市脯不食朱子曰沽

市皆買也恐不精潔或傷人也不撤薑食撤立列切○撤去也朱子曰薑通神明去穢惡故不撤

不多食朱子曰適可而止無貪心也○禮記曰君無故

不殺牛大夫無故不殺羊士無故不殺犬豕君子遠庖

廚凡有血氣之類弗身踐也

豕音大遠去聲踐當作剪
○故謂祭祀及賓客之禮

庖宰殺之所廚烹飪之所身親也剪殺也

○樂記曰豢豕為酒非以為禍也

而獄訟益繁則酒之流生禍也是故先王因為酒禮一

獻之禮賓主百拜終日飲酒而不得醉焉此先王之所

以備酒禍也

豢音患○豢養也為造也獄訟益繁為小
人乘醉相侵以致獄訟滋多也士之酒禮

惟行一獻百拜言多也酒所以合歡先王因其生禍
而制禮以防之蓋通乎上下記特舉士以例其餘耳○

孟子曰飲食之人則人賤之矣為其養小以失大也為去

聲○飲食之人專養口腹
者也小謂口腹大謂心志

右明飲食之節

御定小學集註卷三

欽定四庫全書叢要卷一萬三百三十八子部

御定小學集註卷四

內篇

稽古第四

稽考也考虞夏商周聖賢已行之迹以證前篇立教明倫敬身之言也凡四十

七章

○孟子道性善言必稱堯舜

朱子曰道言也性者人所稟於天以生之理也渾然

至善未嘗有惡人與堯舜初無少異但衆人汨沒於私欲而失之堯舜則無私欲之蔽而能充其性爾故孟子每道性善而必稱堯舜以實之欲人知仁義不假外求聖人可學而至而不懈於用力也其言

曰舜為法於天下可傳於後世我猶未免為鄉人也

是則可憂也憂之如何如舜而已矣

其指孟子也朱子曰法者人倫

而已鄉人鄉里之常人也

撫往行實前言述此篇使讀者有所興

起

撫音尺。撫猶采也實猶證也興起謂感動奮發而為善也

太任文王之母摯任氏之中女也王季娶以為妃

摯音至中

音仲。太尊稱任姓文王周國之君摯國名中女次女王季文王之父

太任之性端一誠

莊惟德之行及其娠文王目不視惡色耳不聽淫聲口

不出教言生文王而明聖太任教之以一而識百卒為

周宗君子謂太任為能胎教

娠音身教音傲。端正純一誠實莊肅性之美也惟

德是行行之美也娠妊也始受命曰宗太任性行既美又能胎教故文王之生明無不照聖無不通教之以一即能識百後為周家始受命之君也此撫太任之行以實首篇胎教之言後皆放此然或詳或略未必盡同讀者宜求其大意焉 ○孟軻之母其舍近墓孟子之少也嬉戲為

墓間之事踴躍築埋孟母曰此非所以居子也乃去舍市其嬉戲為賈術孟母曰此非所以居子也乃徙舍學

宮之旁其嬉戲乃設俎豆揖讓進退孟母曰此真可以

居子矣遂居之

賈音古術音炫。○軻孟子名舍居也踴躍哭狀築埋葬事坐而賈曰賈行而賈

曰銜徒遷也祖豆禮器揖讓進退禮容

孟子幼時問東家殺猪何為母曰

欲啖汝既而悔曰吾聞古有胎教今適有知而欺之是

教之不信乃買猪肉以食之

啖音淡食音似○啖食也欲啖汝戲答之也適猶方

也欺誑也信實也買肉食之以前言之非誑

既長就學遂成大儒

趙氏曰孟子夙喪父

幼被慈母三遷之教長師孔子之孫子思通五經著書七篇命世亞聖之大才也

○孔子嘗獨

立鯉趨而過庭曰學詩乎對曰未也不學詩無以言鯉

退而學詩

鯉孔子之子字伯魚朱子曰事理通達而心氣和平故能言

他日又獨立

鯉趨而過庭曰學禮乎對曰未也不學禮無以立鯉退

而學禮

朱子曰品節詳明而德性堅定故能立

○孔子謂伯魚曰女為周

南召南矣乎人而不為周南召南其猶正牆面而立也

與女音汝召音邵與平聲。朱子曰為猶學也周南召南詩首篇名所言皆修身齊家之事正牆面而立言

即其至近之地而一物無所見一步不可行

右立教

虞舜父頑母嚚象傲克諧以孝烝烝乂不格姦

嚚音銀蔡氏

曰虞氏舜名也舜父號瞽瞍心不則德義之經為頑母舜後母也口不道忠信之言為嚚象舜異母弟名傲驕慢也克能也諧和也烝進也乂治也格至也言舜不卒遭此而能和以孝使之進進以善自治而不至於大為

姦惡也

○萬章問曰舜往于田號泣于旻天何為其號泣

也孟子曰怨慕也我竭力耕田共為子職而已矣父母

之不我愛於我何哉

號平聲旻音民共音恭○萬章孟子弟子朱子曰舜往于田耕歷山

時也仁覆憫下謂之旻天號泣于旻天呼天而泣也怨慕怨己之不得其親而思慕之也於我何哉自責不知

已有何罪耳帝使其子九男二女百官牛羊倉廩備以

事舜於畎畝之中天下之士多就之者帝將胥天下而

遷之焉為不順於父母如窮人無所歸

為去聲○朱子曰帝堯也史記

云二女妻之以觀其內九男事之以觀其外又言一年所居成聚二年成邑三年成都是天下之士就之也胥

相視也遷之移以與之也如窮人無所歸言其怨慕迫切之甚也

天下之士悅之人之

所欲也而不足以解憂好色人之所欲妻帝之二女而不足以解憂富人之所欲富有天下而不足以解憂貴人之所欲貴為天子而不足以解憂人悅之好色富貴

無足以解憂者惟順於父母可以解憂

好妻並如字。朱子曰孟子推

舜之心如此以解上文之意言極天下之欲不足以解憂而惟順於父母可以解憂孟子真知舜之心哉人

少則慕父母知好色則慕少艾有妻子則慕妻子仕則慕君不得於君則執中大孝終身慕父母五十而慕者

予於大舜見之矣

少去聲下同好去聲。朱子曰常人之情因物有遷惟聖人為能不失其

本心也。又美好也。不得失意也。熱中躁急心熱也。言五十者舜攝政時年五十也。五十而慕則其終身慕可知矣。此章言舜不以得衆人之所欲為己樂而己不順乎親之心為己憂。非聖人之盡性其孰能之。

○揚

子曰事父母自知不足者其舜乎不可得而久者事親

之謂也孝子愛日

揚子名雄西漢人自知不足者舜雖已順其親而其心常若不足也愛日

者惜此日之易過懼來日之無多而不得久事其親也

○文王之為世子朝於王

季日三雞初鳴而衣服至於寢門外問內豎之御者曰

今日安否何如內豎曰安文王乃喜及日中又至亦如

之及莫又至亦如之

朝音潮豎音樹。國君之適子曰世子內庭之小臣曰內豎御五日

者其有不安節則內豎以告文王文王色憂行不能正

履王季復膳然後亦復初食上必在視寒暖之節食下

問所膳命膳宰曰末有原應曰諾然後退

履音理上上聲。不安節

謂有疾不能循其起居飲食之常也履蹈地也復膳飲食安節也復初其憂解也在察也進食則察視寒暖之節如飯宜溫羹宜熱之類食畢而徹則問所食之多寡末猶勿也原再也謂所食之餘不可再進也。○文

王有疾武王不說冠帶而養文王一飯亦一飯文王再

飯亦再飯

說音脫養去聲飯音反下同。○武王文王之子

○孔子曰武王周公

其達孝矣乎夫孝者善繼人之志善述人之事者也

周公

文王之子武王之弟朱子曰達通也言武王周公之孝乃天下之人通謂之孝也○志者事之未成者也繼則

續而成之事者志之已成者也述則循而行之

踐其位行其禮奏其樂敬其所

尊愛其所親事死如事生事亡如事存孝之至也

朱子曰踐

猶腹也其指先王也所尊所親先王之祖考子孫臣庶也始死謂之死既葬則曰反而亡焉皆指先王也此皆

繼志述事之意也

○淮南子曰周公之事文王也行無專制事

無由己身若不勝衣言若不出口有奉持於文王洞洞

屬屬如將不勝如恐失之可謂能子矣

行去聲勝音升下同奉音捧屬

音竹。淮南子：漢淮南王劉安也。奉持執。○孟子曰：曾物以進也。能子能盡子道也。餘見明倫。

子養曾皙，必有酒肉；將徹，必請所與；問有餘，必曰有；曾皙死，曾元養曾子，必有酒肉；將徹，不請所與；問有餘，曰亡矣！將以復進也。此所謂養口體者也。若曾子，則可謂

養志也。

○養去聲。下同。徹，直列切。下同。亡，音無。復，扶又切。朱子曰：曾皙名點，曾子父也。曾元，曾子子也。

曾子養其父，每食必有酒肉，食畢將徹，去必請於父曰：「此餘者與誰？」或父問：「此物尚有餘否？」必曰：「有。」恐親意更欲與人也。曾元不請所與，雖有言，無其意，將以復進於親，不欲其與人也。此但能養父母之口體而已。曾子則能承順父母之志，事親若曾子者可也。朱子曰：言當如而不忍傷之也。

可如曾元但養口體

○孔子曰孝哉閔子騫人不間於其父母昆

弟之言

間去聲。閔子騫孔子弟子名損胡氏曰父母兄弟稱其孝友人皆信之無異辭者蓋其孝友

之實有以積於中而著於外故夫子嘆而美之

○老萊子孝奉二親行年七十

作嬰兒戲身著五色斑斕之衣嘗取水上堂詐跌仆卧

地為小兒啼弄雖於親側欲親之喜

著音酌跌音迭仆音付。老萊子楚

人也五色青赤黃白黑也仆僵倒也雖謂烏雛吳氏曰恐父母見子之老而生悲感故為是以樂其心也○

樂正子春下堂而傷其足數月不出猶有憂色門弟子

曰夫子之足瘳矣數月不出猶有憂色何也

瘳音抽。樂正姓子

春名曾子弟
子瘳愈也

樂正子春曰善如爾之問也善如爾之問

也吾聞諸曾子曾子聞諸夫子曰天之所生地之所養

惟人為大父母全而生之子全而歸之可謂孝矣不虧

其體不辱其身可謂全矣故君子頂步而不敢忘孝也

今予忘孝之道予是以有憂色也

項若狠切亦作顛亦作跬。大猶貴也一

舉足為頂再舉足為步方氏曰不虧其體所以全其形不辱其身所以全其德

一舉足而不敢

忘父母是故道而不徑舟而不游不敢以先父母之遺

體行殆一出言而不敢忘父母是故惡言不出於口忿

言不反於身不辱其身不羞其親可謂孝矣

道大路也徑小路也

游浮水也忿恨怒也由道而不由徑由舟而不由水不敢以先父母之遺體行厯於危殆故也已之惡言不出於口故人之惡言不反於身忿言不反則不辱身不羞親矣

○伯俞有過其母笞之

泣其母曰他日笞子未嘗泣今泣何也對曰俞得罪笞

常痛今母之力不能使痛是以泣

伯俞姓韓名俞得罪謂他日得罪也伯俞

之泣悲母力之哀耳

故曰父母怒之不作於意不見於色深受其

罪使可哀憐上也父母怒之不作於意不見於色其次

也父母怒之作於意見於色下也

見音現下同○故曰以下劉向論也意發

於心色見於面

○公明宣學於曾子三年不讀書曾子曰宣而

居參之門三年不學何也

公明姓宣名曾子弟子

公明宣曰安敢

不學宣見夫子居庭親在叱咤之聲未嘗至於犬馬宣

說之學而未能宣見夫子之應賓客恭儉而不懈惰宣

說之學而未能宣見夫子之居朝廷嚴臨下而不毀傷

宣說之學而未能宣說此三者學而未能宣安敢不學

而居夫子之門乎

叱尺栗切咤丑亞切說音悅下同懈音戒○夫子謂曾子庭中庭也叱咤

怒聲也恭莊敬也儉節制也朝廷外庭也不毀傷謂不毀傷其下讀書學文之事孝敬慈力行之事論語曰行

有餘力則以學文

○少連大連善居喪三日不怠三月不解期

悲哀三年憂東夷之子也

少去聲解音懈期音荇○此孔子之言三日親始死時也

怠惰也不怠如水漿不入口之類三月親未葬時也解倦也不解如哀至則哭之類期周一年也悲哀如朝夕哭之類憂謂憂戚憔悴二子居喪如此非惟進於中國而且善於禮矣故孔子稱而表之○高子卑

之執親之喪也泣血三年未嘗見齒君子以為難

見音現○

子卑孔子弟子名柴無聲出涕曰泣血見齒笑也

○顏丁善居喪始死皇皇焉

如有求而弗得既殯望望焉如有從而弗及既葬慨然

如不及其反而息

顏丁魯人皇皇猶彷徨求謂求其親望望仰思貌從謂從其親慨感怍意

息者待也待其反也皆○曾子有疾召門弟子曰啟予
不忍死其親之至情也

足啟予手詩曰戰戰兢兢如臨深淵如履薄冰而今而

後吾知免夫小子

夫音扶○朱子曰啟開也曾子平日以為身體受於父母不敢毀傷故於

此使弟子開具衾而視之詩小旻之篇戰戰兢兢戒謹臨淵恐墜履冰恐陷也曾子以其所保之全示門人而言其所以保之之難如此至於將死而後知其得免於毀傷也小子門人也語畢而又呼之以致反覆丁寧之意其警之也深矣范氏曰身體猶不可虧也況虧其行以辱其親乎○箕子者紂親戚

也紂始為象箸箕子歎曰彼為象箸必為玉杯為玉杯則必思遠方珍怪之物而御之矣與馬宮室之漸自此

始不可振也

箕國名子爵也紂之諸父紂商王受也御用也振救也

紂為淫佚箕

子諫紂不聽而囚之人或曰可以去矣箕子曰為人臣

諫不聽而去是彰君之惡而自說於民吾不忍為也乃

被髮佯狂而為奴遂隱而鼓琴以自悲故傳之曰箕子

操

洪音逸說音悅佯音羊○淫貪欲洪放蕩如嬖妲已為酒池肉林之類囚拘繫也傳曰囚箕子以為奴彰

著也佯詐也操琴曲也

王子比干者亦紂之親戚也見箕子諫不

聽而為奴則曰君有過而不以死爭則百姓何辜乃直

言諫紂紂怒曰吾聞聖人之心有七竅信有諸乎乃遂

殺王子比干剗視其心

爭去聲寢苦弔切剗音枯。王子比干亦紂諸父辜罪也何辜

言無罪而被虐也剗剗也

微子曰父子有骨肉而臣主以義屬故父

有過子三諫而不聽則隨而號之人臣三諫而不聽則

其義可以去矣於是遂行

屬音竹號平聲。微國名子爵也紂庶兄屬聯續也行所

以存宗祀也

孔子曰殷有三仁焉

朱子曰三人之行不同而同出於至誠惻怛之意故

皆不拂乎愛之理而有以全其心之德也

○武王伐紂伯夷叔齊叩馬而諫

左右欲兵之太公曰此義人也扶而去之

伯夷叔齊亦竹君之二子

叩馬當馬之前也兵猶殺也太公曰望也夷齊之諫曰以臣弑君可謂義乎故太公以為義人扶猶搗也武

王已平殷亂天下宗周而伯夷叔齊恥之義不食周粟

隱於首陽山採薇而食之遂餓而死

武王處一時之大權二子守萬世之

大經各一義也

○衛靈公與夫人夜坐聞車聲辚辚至闕而止

過闕復有聲公問夫人曰知此為誰夫人曰此蘧伯玉也公曰何以知之夫人曰妾聞禮下公門式路馬所以廣敬也夫忠臣與孝子不為昭昭信節不為冥冥脩行蘧伯玉衛之賢大夫也仁而有智敬於事上此其人必不以闇昧廢禮是以知之公使人視之果伯玉也

辚音蘧

音昉夫音扶為去聲下同信音伸行去聲闇音暗。衛國名靈公衛君名元閭君門遽伯玉衛大夫名瑗下者下車以過也公門亦君門式說見敬身路大也君馬曰路馬大之也廣敬推廣其敬也昭昭顯明也冥冥隱暗也忠臣之事君也如事親孝子之事親也如○趙襄子事天豈以人知而信節人不知而惰行乎

殺智伯漆其頭以為飲器智伯之臣豫讓欲為之報讐

乃詐為刑人挾匕首入襄子宮中塗廁左右欲殺之襄

子曰智伯死無後而此人欲為報讐真義士也吾謹避

之耳

欲為之為去聲讐音求匕音比。襄子名無恤智伯名瑤皆晉大夫飲器或云飲酒之器或云澠溺

之器未詳孰是刑人有罪被刑而執役者匕首短劍也其首類匕塗廁謂以泥塗墁溺廁之牆壁讓之為此謀

欲以殺襄子也左

讓又漆身為癩吞炭為啞行乞於市

其妻不識也其友識之為之泣曰以子之才臣事趙孟

必得近幸子乃為所欲為顧不易邪何乃自苦如此讓

曰委質為臣而求殺之是二心也吾所以為此者將以

愧天下後世之為人臣而懷二心者也

癩音賴啞倚下切為之為去

聲易音異。為癩為啞而行乞欲人不識得以殺襄子也識謂識其形容一說謂識其志意在於報仇趙孟即

襄子顧猶反也為所欲為謂殺襄子委質猶屈膝也即致身之意

後又伏於橋下欲殺

襄子襄子殺之

讓之死舍生取義也真可以愧天下後世之為人臣而懷二心者矣

○王

孫賈事齊湣王王出走賈失王之處其母曰女朝去而

晚來則吾倚門而望女暮出而不還則吾倚閭而望女

今事王王出走女不知其處女尚何歸

走去聲女音汝下俱同○王孫

姓賈名齊大夫湣王名地燕破齊王走莒為楚人淖齒所殺門謂家之門閭謂巷之門

王孫賈乃

入市中曰淖齒亂齊國殺湣王欲與我誅齒者袒右市

人從之者四百人與誅淖齒刺而殺之

淖音鬧袒音但刺音戚○淖姓

齒名齊相也袒右袒露右臂也從之謂袒右也

○白季使過冀見冀缺耨其妻

饁之敬相待如賓與之歸言諸文公曰敬德之聚也能

敬必有德德以治民君請用之臣聞出門如賓承事如

祭仁之則也文公以為下軍大夫

使去聲過平聲樽乃豆切饁音葉○白季

晉大夫名胥臣文公晉君名重耳冀邑名缺人名卻其姓也耘田曰耨野饋曰饁能敬則心存心存則理得故敬為德之聚修已可以安百姓故曰德以治民出門如賓承事如祭敬也是為則而持守之則私意無所容而心德全矣下○公父文伯之母季康子之從祖叔無一

軍大夫官名

叔母也康子往焉闔門而與之言皆不踰閭仲尼聞之

以為別於男女之禮

父音府從去聲闔音委閭音域○公父文伯魯大夫名歇其母敬姜

也季康子亦魯大夫名肥往謂往而見之也闔開也閭門限也敬姜不踰閭而出康子不踰閭而入故曰皆不

踰閼○衛共姜者衛世子共伯之妻也共伯蚤死共姜守

義父母欲奪而嫁之共姜不許作栢舟之詩以死自誓

共音恭下同○衛國名姜齊姓歸共伯故曰共姜夫死不嫁義也奪謂奪其守義之志栢舟之詩曰之死矢靡

他是以死自誓也

○蔡人妻宋人之女也既嫁而夫有惡疾其

母將改嫁之女曰夫之不幸乃妾之不幸也奈何去之

適人之道一與之醺終身不改不幸遇惡疾彼無大故

又不遣妾何以得去終不聽

其母女之母也酌而無酬酢曰醺蓋婚禮贊者三酌

壻婦而不酬酢也彼指夫大故謂惡逆婦人自稱曰妾聽猶從也

○萬章問白象日以

殺舜為事立為天子則放之何也孟子曰封之也或曰放焉仁人之於弟也不藏怒焉不宿怨焉親愛之而已

矣

朱子曰放猶置也置之於此使不得去也萬章疑舜何不誅之孟子言舜實封之而或者誤以為放也藏

怒謂藏匿其怒宿怨謂留宿其怨饒氏曰仁人之於弟雖有怒亦不藏之雖有怨亦不留之少間心便釋然孟子曰親之欲其貴也愛之欲其富也封之有庠富貴之也○伯夷叔齊孤竹君之二

子也父欲立叔齊及父卒叔齊讓伯夷伯夷曰父命也

遂逃去叔齊亦不肯立而逃之國人立其中子

中音仲孤竹

國名朱子曰伯夷以父命為尊叔齊以天倫為重

○虞芮之君相與爭田久而

不平乃相謂曰西伯仁人也盍往質焉乃相與朝周入其境則耕者讓畔行者讓路入其邑男女異路斑白不提挈入其朝士讓為大夫大夫讓為卿二國之君感而相謂曰我等小人不可以履君子之庭乃相讓以其所爭田為閒田而退天下聞而歸之者四十餘國

苟儒達切盍音

合○虞芮皆國名西伯周文王也盍何不也質正也畔田界也

○曾子曰以能問於不

能以多問於寡有若無實若虛犯而不校昔者吾友嘗

從事於斯矣

朱子曰校計校也友馬氏以為類淵是也類子之心惟知理義之無窮不見物我之

有問故能如此

○孔子曰晏平仲善與人交久而敬之

晏平仲齊大夫

名嬰程子曰人交久則敬衰久而能敬所以為善

右明倫

李氏曰首十七章明父子之親次五章明君臣之義次四章明夫婦之別

次三章明長幼之序末二章明朋友之交

孟子曰伯夷目不視惡色耳不聽惡聲

惡色非禮之色惡聲非禮之聲

○子游為武城宰子曰女得人焉爾乎曰有澹臺滅明

者行不由徑非公事未嘗至於偃之室也

女音汝澹音談○子游孔

子弟子姓言名偃朱子曰武城魯下邑澹臺姓滅明名字子羽徑路之小而捷者公事如飲射讀法之類不由

徑則動必以正而無見小欲速之意可知非公事不見邑宰則其有以自守而無枉已徇人之私可見矣又曰焉爾乎三字是助語聖人之言寬緩而不迫

○高柴自見孔子足不履影啟

蟄不殺方長不折衛輒之難出而門閉或曰此有徑子

羔曰吾聞之君子不徑曰此有竇子羔曰吾聞之君子

不竇有間使者至門啟而出

蟄直立切長上聲折音哲難去聲問如字○啟謂問

穴而出蟄蟲之藏者方長謂草木輒衛君名難謂輒以兵拒父時也竇孔穴也有間少頃也不踐影敬人之至不殺不折愛物之至不徑不竇守身之至朱子曰不徑不竇無事時可也若有寇盜患難如何守此以殘其軀觀聖人微服○南容三復白圭孔子以其兄之子妻之過宋可見矣

三去聲復音福。○南容孔子弟子居南宮名縚又名适字子容朱子曰詩大雅抑之篇曰白圭之玷尚可磨也斯言之玷不可為也南容一日三復此言事見家語蓋深有意於謹言也此邦有道所以不廢邦無道所以免禍故孔子以○子路無宿諾朱子曰宿留也急於踐言不留其諾也○孔

子曰衣敝緼袍與衣狐貉者立而不恥者其由也與衣

聲緼音溫貉音鶴。○朱子曰敝壞也緼枲著也袍未有著者也蓋衣之賤者狐貉以狐貉之皮為裘衣之貴者子路之志如此則能不以貧富動其心而可以進於道矣故夫子稱之○鄭子臧出奔宋

好聚鷗冠鄭伯聞而惡之使盜殺之君子曰服之不衷身之災也詩曰彼其之子不稱其服子臧之服不稱也

夫

好去聲鵠音聿惡去聲求音中其音記稱去聲。鄭宋皆國名子臧鄭伯之子鵠翠鳥聚鵠冠者聚其羽

以為冠也求正也詩曹風候人之篇其語辭

○公父文伯退朝朝其母其母

方績文伯曰以歌之家而主猶績乎其母歎曰魯其亡

乎使僮子備官而未之聞邪

父音甫朝音潮下同歌昌六切亡如字。績緝麻也

歌文伯之名主主母也僮子指文伯國將亡則任非人丈伯富貴而驕故敬姜歎而責之亦善計國矣居

吾語女民勞則思思則善心生逸則淫淫則忘善忘善

則惡心生沃土之民不材淫也瘠土之民莫不嚮義勞

也

語去聲女音汝瘠音寂嚮音向。居者喻之使止也勞勤勞逸安逸淫淫蕩沃肥饒瘠薄瘦也善心生則

嚮義矣惡心生則不材矣是故王后親織玄統公侯之

夫人加之以紘紕卿之內子為大帶命婦成祭服列士之

妻加之以朝服自庶士以下皆衣其夫社而賦事烝而

獻功男女效績愆則有辟古之制也

統丁坎切紘音宏紕音庭辟音閉

玄黑色統冠之垂前後者紘纓之無纓者紘冕之上覆者內子卿之妻命婦大夫之妻列士元士庶士下士庶士以下則庶人也自公侯至士庶之妻所織以漸而加者以貴賤為勞逸之差也冬祭曰烝績功愆過辟罪也春祭社之時則供其農桑之事冬祭廟之時則獻其五穀布帛之功男耕女織各效其績逸而有過則治以罪也古之制通

吾薰而朝夕脩我曰必無廢先人爾今曰

貴賤言之

胡不自安以是承君之官予懼穆伯之絕嗣也

冀欲也而爾皆

汝也修猶飭也廢猶墜也先人謂穆伯文伯之父也胡何也君謂魯君居位而苟求安逸敗亡之道也故敬姜懼穆伯之絕嗣文伯曠於禮敬姜語之皆凜凜有法度其愛而知勞者與○孔子曰賢哉回

也一簞食一瓢飲在陋巷人不堪其憂回也不改其樂

賢哉回也

簞音丹食音似樂音雄。回孔子弟子姓顏字子淵朱子曰簞竹器食飯也瓢瓢也顏子

之貧如此而處之泰然不以害其樂故夫子再言賢哉回也以深歎美之

右敬身

李氏曰首三章言心術次二章言威儀次三章言衣服末章言飲食

衛莊公娶于齊東宮得臣之妹曰莊姜美而無子又娶于陳

曰厲嬌其姊戴嬌生桓公莊姜以為己子

嬌音圭。衛齊皆國名莊公衛君名

揚東宮太子宫得臣太子名姜齊姓嬌陳姓莊公再

公子州

娶于陳莊戴皆諡也姊女弟之從嫁者桓公名完

吁嬖人之子也有寵而好兵公弗禁莊姜惡之

嬖音庇好去聲

惡去聲。嬖人幸妾也

石碻諫曰臣聞愛子教之以義方弗納於

邪驕奢淫佚所自邪也四者之來寵祿過也

碻音鵲佚音逸。石

碻衛大夫方道也義方即六順納猶寔也邪即六逆自由也寵祿過盛則驕奢淫佚而陷於邪逆矣

夫寵

而不驕驕而能降降而不憾憾而能矜者鮮矣

夫音扶矜音軫

鮮上聲。降抑也憾恨也矜安重也蓋恃寵則驕驕則恣橫而不能自抑若強抑之則恨恨則思亂而不能自

安自重此必
然之勢也

且夫賤妨貴少陵長遠間親新間舊小加

大淫破義所謂六逆也君義臣行父慈子孝兄愛弟敬

所謂六順也

夫音扶少去聲間去聲○貴賤以位言少
長以齒言親猶近也遠近以地言新舊以

時言小大以德言淫義以道言淫者邪道義者正道也
妨害也陵犯也間離也破亦害也義謂使臣以義行謂

之行君去順效逆所以速禍也君人者將禍是務去而速
之義

之無乃不可乎

去上聲下同○去猶違也順即六順效
猶習也逆即六逆速召也言為人君者

當務於去禍不可反召禍也莊公溺愛嬖人之子使恃
寵弄兵而弗之禁是去順而效逆也其後州吁弑桓公
為石碯所誅豈非速禍之明驗乎孔氏曰州吁于六
逆則少陵長於六順則弟不敬兄非謂偏犯之也○

劉康公成肅公會晉侯伐秦成子受脤于社不敬

脤音賢。

劉成皆邑名康肅皆諡秦晉皆國名脤祭肉也凡出兵則宜于社。宜祭名脤亦作蜃大蛤也古人多以蜃飾器祭肉以蜃器盛之故曰脤諡者生劉子曰吾聞之民有功德卒則人君賜諡以易其名

受天地之中以生所謂命也是以有動作禮義威儀之

則以定命也能者養之以福不能者敗以取禍

中者理之本然

也動作以事言禮義以理言威儀以身言定者靜而復也天地之理人得之以生所謂在天為命在人為性者也動作禮義威儀各有當然之則聖人所以定其性而使弗失也能循是則以養其性則為福順乎天而吉也不能循是則而敗其性則取禍違乎天而是故君子勤凶也能與不能亦在乎敬怠之間而已矣

禮小人盡力勤禮莫如致敬盡力莫如敦篤敦在養神
篤在守業國之大事在祀與戎祀有執牐戎有受脤神
之大節也今成子惰棄其命矣其不反乎

膳音煩。君子小人以位

言之敦加厚也篤實而加厚焉亦敬也養神謂奉祭守
業謂務農戍兵戎牐祭肉執牐受脤皆交神之大節惰
謂受脤不敬反還也君子敬以奉祭小人敬以務農皆
養之以福者也成子以君子而受脤不敬有取禍之道
故劉子逆知其不○衛侯在楚北宮文子見令尹圍之
反其後果卒于瑕

威儀言於衛侯曰令尹其將不免詩云敬慎威儀維民
之則令尹無威儀民無則焉民所不則以在民上不可

以終

衛楚皆國名衛侯名惡文子衛大夫名佗北宮其姓也時相衛侯在楚令尹楚上卿執政者名圖免

謂免於禍詩大雅抑之篇則法也終謂善終

公曰善哉何謂威儀對曰有威

而可畏謂之威有儀而可象謂之儀君有君之威儀其

臣畏而愛之則而象之故能有其國家令聞長世臣有

臣之威儀其下畏而愛之故能守其官職保族宜家順

是以下皆如是是以上下能相固也

聞音問○此衛侯問而文子答也令

聞長世謂善名久垂於世也是指君臣而言順是以下若父子兄弟内外大小是矣皆如是謂皆有威儀也固

者安固衛詩曰威儀棣棣不可選也言君臣上下父子不敗也

兄弟内外大小皆有威儀也

棣音第。詩邶風柏舟之篇。棣棣富而閑習之貌。選

簡擇也。言威儀無一不善不可得而簡擇取舍也。此蓋借引以爲人皆不可無威儀耳。

周詩曰朋

友攸攝攝以威儀言朋友之道必相教訓以威儀也

詩大

雅既醉之篇攸所也。攝簡也。

故君子在位可畏施舍可愛進退可度

周旋可則容止可觀作事可法德行可象聲氣可樂動

作有文言語有章以臨其下謂之有威儀也

舍上聲行去聲樂音

維。施用也。舍不用也。用舍當斯可愛。十者皆威儀也。自可畏。言曰威自可象。言曰儀。真氏曰。令尹圉專楚國之政。有篡奪之心。形諸威儀。必有僭偏于上者。故天子見而知其不終也。未幾以篡被殺。果不能終。

右通論

通論立教明
倫敬身三者

御定小學集註卷四

謹案卷三第十一頁前三行揚謂以手散其熱氣
刊本脫以手二字據禮記集說增

卷四第二頁後三行啖音淡刊本訛淡音炎又啖
食也刊本啖訛淡據正文及廣韻改

第九頁前四行臨淵恐墜刊本淵訛深據論語注改
第十四頁前七行犯而不校刊本校訛較據論語
注改


第十六頁後二行加之以紘紼刊本脫之字據國

語增

第十七頁前八行又娶於陳曰厲嬀原本脫此句

據左傳增





總校官庶吉士臣侍朝

校對官編修臣楊壽楠

謄錄監生臣熊輝